

東

華

續

錄

臣朱壽朋敬編

臣潘鴻鼎恭校

冬十月壬戌朔時享 太廟 上親詣行禮○癸亥廖壽豐奏請將故浙江布政使龍錫慶卹軍營立功後積勞病故例議卹不許○甲子以惲祖翼爲浙江布政使馬恩培爲湖北按察使○追予太子太保原任湖北巡撫胡林翼於安徽省城建祠○諭軍機大臣等湖北各屬被水先後准令籌撥銀米分別賑卹平糶小民諒可不至失所惟念來春青黃不接之時民力未免拮据著傳諭該督撫等體察情形如有應行接濟之處著卽聲明於封印前奏到候旨施恩○丙寅論甘肅一省漢回錯處同隸輯轅皆我赤子朝廷撫恤兆民斷無膜視祇因地方官不營撫循於漢回交涉事件未能持平辦理其漢民回民之奸黠者又遇事生風藉端互煽猜疑既久積怨愈深遂致燎原之禍一發而不可遏朝廷安良除暴不得已而用兵迨至一律肅清而地方之蹂躪民戶之凋殘已不知凡幾矣興言及此良用惻然籌陶模選擇廉正明練之地方官撫綏勸導勸求民隱遇有漢回爭執之處不分漢回務當酌理準情持平辦理所有被寇地方並著分別查勘籌款撫恤務使無一天不得其所永遠相安用示一視同仁安撫黎庶至意○陶模等

奏官軍前在玉門安西等處種勝業經臣等具摺會奏奉 旨劉四伏竄匿鹽池溝當及早掃除以防勾結牛允誠等保案俟擒獲首逆後再降諭旨欽此欽遵恭錄轉行遵照查劉四伏先匿鹽池溝在大小宮岔之西南山內臣應祇恐其四路分竄擾害地方因與藩效蘇繼商飭宋賢聲范如松率步隊兩營馳赴敦煌與陶廷相楊光初馬隊扼守給糧井千佛洞以防山水峽出竄之路焦大聚率馬步隊並礮隊駐安西瓜州口以防由埡泉出竄之路羅平安率馬步隊駐安西彭禮堂率馬隊駐趙家橋以防由石保城出竄之路牛允誠督率所部並營務處馬隊與謝典禮及肅標右旗馬隊吳志萬裹十日糧入山搜剿以期一鼓成擒乃五月十五日進至鹽池惟見餓殍盈溝沿山收攤飢民二百餘而劉逆已潛移安西之南二百餘里巖窟灘焦大聚羅平安彭禮堂率馬步隊追至巖窟灘而賊又西竄敦煌之紅柳峽矣宋賢聲恐賊窺南湖率馬隊裹五日糧至沙梁園派陶廷相楊光初進七十里一顆樹於五月十五日遇賊南湖卽行堵擊斃賊五六十名馬二匹生擒六名獲鎗械十餘件騾十餘匹跟追百六十里糧盡而還掘擒賊供劉四伏尙匿黨城宋賢聲等復裹十二日糧於十七日進黨城而賊又他竄牛允誠與焦大聚羅平安等分路進追十八日至紅柳峽已無賊蹤乃商焦羅兩步隊仍回原防令周德金彭禮堂徐春光周陞朝金蘭益馬隊分往探剿二十三日牛允誠自率各馬隊由滴水崖甜水壩搜尋百七十里齊築小峽溝地

皆戈墜水草毫無不得已幸馬匹作食復走七十里燕河又八十里蘆草溝過宋范各軍乃借糧千三百斤分一日糧作三日食暫回敦煌休息羅平安回軍七正聞賊在黃家口劫糧派隊跟追五月二十一日中哨至十保城斃賊十四名前哨追一百五十里斬賊十二名生擒四名先後奪糧叉子鎗二麵桿二十五袋驢馬騾四十三頭匹救回驢夫七名並昌馬運糧回空驢八隻夫四名乃知逆餘匪尙有由紅柳峽東竄回巢者矣適治八箇有出竄玉門之信臣應祺恐兩路應敵兵多牽制也乃電商臣模飭滿道卽飭焦大聚羅平安留駐安玉將營標及肅標馬隊悉行調回專剿治逆牛九誠留駐敦煌彭禮堂謝典禮及督後營馬隊周德金均歸統領合宋賢覺等馬步專剿劉逆布置甫定五月二十五日治逆六七百人已出黃頭山竄上赤金峽經肅標中軍遊擊楊德明率馬隊堵擊獲勝殺賊十餘人遂敗入山不敢復出臣應祺恐安西山內劉逆餘匪暗相勾結也非招之使出難於收拾適有撫回馬致和由安西解至哈密統領新勝馬步各軍巴里坤鎮總兵張懷玉詳訊賊情多欲就撫無由自達馬致和自請效其睿口扣留哈密前往招撫以報不殺之恩張懷玉察其誠心商派哨弁孔福堂率十數騎持臣剿撫兼施示進山招尋徧歷詢衆悉又西竄轉至安西潘效蘇電請飭赴玉門改招治逆臣以山內糧運萬難路徑紛歧官軍追剿每難見賊治逆不除仍爲關外之患遂卽照准潘效蘇復派哨弁韓詩學同往兼請臣加發印示以

昭恩信旋於玉門挖搭山口疏勒川將治八節並男女三百餘人收撫解至玉門驗收其詳細形容臣  
模另案奏陳牛允誠回敦後探聞劉四伏由草達坂進壽山卽商各馬隊共挑健駒四百追至濟水溝而  
賊已竄西海卽色爾勝也相距五站糧罄而還乃商催敦煌縣令嚴鴻多備乾糧派楊光初馬隊留駐南  
湖以便偵探南湖古陽關也楊光初探至南山海子北六十里見驢馬跡甚多再二十里見賊遺壘十餘  
處宰殺牛羊遺骨滿地詢已西竄安南嶺牛允誠聞信隨商馬步各營旗各挑七成隊裹帶十日糧於六  
月十三日由南湖推漠兔葫蘆斯台高泉循涼水渡邊程前進十八日午刻至安南嶺賊已聞風先一  
日西走是夜拔隊尾追十九日辰刻至百十里之野馬泉劉四伏馬吉距高山率悍黨千餘三面抵拒牛  
允誠飭幫辦謝澤龍率勇先登陶廷相隨之直衝中擊賊勢稍卻急飭周德金楊光初從山左抄上彭禮  
堂謝典禮從山右抄上宋賢盤范如松隨後接應賊施鎗礮如雨各將士奮厲無前鏖戰四時之久自中  
至亥殺賊五百有奇賊目朵木匠馬玉春中鎗死馬吉受傷而逃故賊供認請擊斃奪獲鎗械數百件驢  
馬牛羊數百頭匹我軍陣亡馬勇十二名受傷四十餘人斃馬三十二匹傷六匹時已夜靜始收隊遣飯  
泉水無多雖獲充飢未盡解渴擬待黎明再行搜追而劉四伏於五更時從山後滾逃二十日步隊留後  
搜山馬隊進追八十里之八龍溝又七十里之一崆泉賊方登山欲逃牛允誠身先士卒率謝澤龍進攻

彭禮堂楊光初隨廷相接踵繼進派周德金謝典禮從山側趕上截賊去路無可逃遁見謝澤龍旗幟會  
在昌馬辦撫遂皆跪地投誠查賊目惟劉三劉五劉八合衆六百餘人而劉四伏已棄輜重與馬起濱  
率黨偷逃各將士忍飢一日二更始得尋食因馬械未繳謝典禮謝澤龍管束彭禮堂等上下山徑搜尋百  
所繳鎗矛帳房皆破裂無用當即碎毀所有撫回即交謝典禮謝澤龍管束彭禮堂等上下山徑搜尋百  
餘里均不見賊糧料俱盡不能不收隊折回而沿途戈壁天氣酷熱加以山瘴各勇戰馬並撫回牲畜渴  
斃數百軍士之殺其坐馬以肉爲食血爲飲者已數日矣方賊窺色爾騰海之時正知其必窺羅布淖爾  
也飛飭駐羅各營旗分扼紅柳峽阿不旦阿武斯三要卡嚴密防範預備戰守正應暇復飭英吉沙爾參  
將李金良派隊出紅柳峽迎擊相機剿撫營務處提督曾松明遵前撫標練軍前旗馬隊劉清和駐防阿  
不旦屯營巡檢施再前派隊扼守阿武斯卡提標前營武隊鄧高魁並礮隊都司袁世和撫標左旗馬隊  
朱義勝駐防紅柳溝西口李金良偕阿克蘇鎮標中旗馬隊藍德清駐防卡克里克李金良派哨長章明  
才馬占科出紅柳峽東口八十里和爾罕古卡駐紮偵探二月初三日出卡五里有股賊從南岸西來聚  
明才率隊進攻開鎗轟斃十餘人賊潰執示前往開導均願投誠收撫男女一百三十餘名李金良聞信  
與藍德清帶隊馳往初九日抵和爾罕與朱義勝等會合相機進剿初十日探報有賊自安南喇來李金

良等進兵六十里至雙泉子原名雅不冷遠見賊勢十分兇惡遂分馬隊爲兩翼朱義勝埋伏山左劉清和隊伍埋伏山右鄧高魁步隊從後接應李金良率隊由左進藍德清率隊由右進兩隊鎗砲夾擊斃三十餘名男婦長跪哀號乞降收撫三百餘人劉四伏奔逃無路李金良當飭童明才將其擒獲復於撫回中查出僞副元帥馬吉賊目馬起濱治正山駝毛番子茶根大小逆犯共五名派哨長安益元解省訊辦先後撫回共四百餘人交藍德清解英格可立撫局交喀喇沙爾同知江邁璞安插劉四伏等押解到省先發兼按察使英林隔別研訊復親提審問劉四伏卽劉同春西寧縣家堡人初與韓文秀謀叛殺漢民韓文秀伏誅遂接充僞元帥歷抗官軍窮兇極惡實爲回逆之魁馬吉西寧上五莊人駝毛茶根卽格爾及西海蒙古人馬起濱西寧縣家堡人治正山西寧縣人均皆充當匪自助逆拒戰兇狠勝常竄屬同惡相濟臣於七月二十七日飭將劉四伏凌遲處死馬吉茶根馬起濱治正山均斬梟示衆以伸國法而快人心玉門安西敦煌及羅布渾爾山內徧搜俱無一賊關外一律肅清臣查馮回自二月初水峽出竄共七八萬人皆劉四伏兄弟領之劉三專主念經劉四伏最强悍主戰事馬吉等助之在青海復會合駝毛茶根二千餘人張成德治八箇朶木匠皆自爲一股悉聽劉四伏調遣由青海柴達木窠王子營爲嶺兵所阻值三月大雪封山無處掠糧凍死餓死以數萬計四月初始竄出山尙存二萬餘人能戰者

四五千人聞關外兵軍賊氣頗熾直撲玉門滿欲飽掠西竄及四月初八日在昌馬爲牛允誠戰敗其氣先奪緝到張成德一股人衆且強劉四伏深喜得助恃以無恐不意四月十七日扁博一戰卽與馬棗三鮑拍手均爲官軍鎗斃並劉四伏之母亦爲飛子擊死氣燄更衰然除戰死收撫外悍黨猶四千餘人也追竄安西七正爲金剛益徐春先等所敗竄敦煌南湖爲陶廷相楊光初等所敗竄安南斷又爲牛允誠謝典禮彭禮堂周德金等一敗之於野馬泉再敗之於一碗泉窮荒無路乃趨紅柳峽遇李金良攔頭迎擊而伏首就擒矣以悍賊二萬之衆乘突狼奔往來數千里我軍節節堵擊處處跟追俾不得佔一城破一堡勢孤力盡逃命無人之區甫入新境一網打盡居民無一擾害地方胥獲保全此皆由屢次得承聖訓回衆無使旬結首逆務早擒除將士准加賞賚 廟謨遠運有以致之 上諭前據陶模稟應祺奏官軍堵剿竄回迭次獲勝先將在各出力各員酌加獎勵當因逆首劉四伏尙稽顯戮未經降旨宣示茲據奏稱首逆就擒關外一律肅清出力將士懇恩獎勵一摺首逆劉四伏本年二月間因西甯官軍圍攻緊急次第擾及王子營地方四月復率領賊黨直撲玉門意圖西竄經饒應祺派令提督牛允誠帶隊馳赴昌馬迎頭截擊斃賊多名並陣斬賊目馬茂澈一名賊氣始奪退匿鹽池灣糾合大股賊衆在扁博灘抵禦官兵牛允誠會合提督羅平安總兵彭禮堂副將謝典禮分投進剿斃斃回賊一千餘名並鎗斃賊



目馬彘三龜拾手二名該逆復竄由安南場野馬泉一帶分派賊黨抵死抗禦牛允誠等督隊直前血戰四時之久殺賊五百餘名賊目彘木匠馬玉春均經鎗斃該逆率黨逃逸嗣竄羅布淖爾經饒應祺飭參將李金良等派隊出紅柳峽分路進剿斃賊無算劉四伏進退失據當即擒獲解省問明於五月二十五將該逆凌遲處死並將助逆之馬吉等一併斬梟示眾此次逆首劉四伏竄亂外輯集賊黨數萬人豕突狼奔勢甚猖獗提督牛允誠等觸暑遍征吳極血戰不數日間大愨投首餘眾竄降地方一律肅清辦理甚爲得手自應渥沛恩施以獎勞勩新贖補用提督牛允誠著以提督交軍機處存記遇有提督總兵缺出開列在前並賞給項品頂戴羅平安著賞給項品頂戴總兵彭禮堂著以提督留於新贖儘先補用副將謝典禮著免補副將以總兵留於新贖儘先補用副將鄒玉春著賞給敢勇巴圖魯名號補用副將喻春福著賞給重勇巴圖魯名號多將羅福安著免補參將以副將儘先補用並賞給剛勇巴圖魯名號守備王棟山著免補守備以都司儘先補用並賞戴花翎新贖補用都司謝澤龍著免補都司以游擊儘先補用並賞加副將銜王朝清著免補千總以守備儘先補用並賞戴花翎加都司銜以上各員均照前次所請給獎牛允誠羅平安彭禮堂謝典禮著再交部從優議敘至此次摺內開列之甘肅候補道潘效蘇著以道員交軍機處存記並賞給二品銜補用副將焦大聚著免補副將以總兵遇缺儘先簡放

參將金蘭益徐春光周陞朝周得金均著免補參將以副將儘先補用並賞加總兵銜金蘭益並賞給誠勇巴圖魯名號補用副將都司沙爾參將李金良著免補副將以總兵留於新疆遇缺儘先簡放並賞加提督銜儘先補用游擊萬德清著免補游擊以參將儘先補用新疆儘先補用提督宋賢聲補用提督范如松均著交部從優議敘補用副將陶廷相著免補副將以總兵留於新疆補用都司楊光初著免補都司以游擊留於新疆儘先補用總兵楊德明吳志清均著免補總兵以提督留於甘肅補用千總韓詩學拔補外委孔福堂均著免補千總以守備儘先補用並賞給花翎以示獎勵○董福祥等奏自上年三月間循化撤回藉爭教滋事河州逆回馬永琳等乘間煽亂省城及東南一帶處處戒嚴五月初間海城逆回李倡發父子復勾結河回馬匡趙百祥等戕官謀反一時礮伯巴燕戎格各屬回匪聞風響應至六月而全遼騷動於是韓文秀等據西寧府城東三關劉四伏等據北川馬大頭三三振西川包良劉復等據北大通一帶各擁眾數萬四出焚掠屠殺漢民至十數萬兇燄甚張時甘防將卒悉赴河湟前督臣楊昌濬以海城勢關全局陝甘唇齒相依急調統帶陝標馬隊守備張紹先隨同前甘肅提督李培榮等飛速進剿兼旬之間卽就撲滅由是東西暢通臣奉順暨前督臣楊昌濬商派總兵鄧增等率師攻拔街子工果什灘諸賊巢以解循化之圍派副將何建威率師與狄道州知州黃濂吏目廖葆森內外夾攻以解

狄道之圍派總兵牛師韓等率師攻平戎驛賊以解西寧之圍當時賊衆兵單不敷策應雖迭經懲創勢未少衰並有另股回匪竄陷永昌山丹各村堡甘涼道梗文報不通十月初四日諭旨飭臣模營理督策日久始由俄境探得電信迅卽抽調營旗踏冰速進遵旨疏通餉道臣福祥奉命馳援河州於九月間率總兵王鉞安副將馬安良參將張銘新等馬步營旗馳抵狄道大戰皆捷遂解河圍誅馬永琳父子及閔伏英馬匡等并搜斬逆黨四百餘名於是河州悉平臣福祥遂派道員張成基帶馬隊三營由循化米拉溝一帶西進相機剿撫逆旨添派游擊何得彪帶馬步四營往援西寧陝西巡撫臣魏光燾今年正月提師抵涼與臣奎順會商先剿東三關踞匪遂誅逆首韓文秀等蕩平北川以進圍哆巴之賊臣奎順派所部鄧軍及臣福祥甘軍會剿下孫堡等處并連解大通縣及喇汎城圍遂乘勢濟師以進圍上下五莊之賊臣福祥復派隊渡大通河出達坂山臣模派督標親軍副將焦大聚新軍總兵趙有正等先後由甘州扁都口南踰祁連山以進圍北大通之賊二月初一日甘軍鄧軍會克上下五莊初七日甘軍進攻北大通營復其城十一日哆巴賊斬其酋馬大頭三三詣湘軍乞降三月十二日焦大聚等會同甘軍連破北大通各大回莊收其餘衆安插大通河南俾與漢民別居無相混雜此各軍剿辦河涼各處之實在情形均經先後奏明在案維時元惡既誅而巴燕戎格之撤回馬成林等復句串米拉溝逆目治

請麻糾合水地川甘都塘卡爾岡三堡回衆復叛擾及南川而逆目劉四伏等爲衆從水峽竄出七八萬人由青海柴木間道蔓延關外勢甚猖獗臣奉順會同魏光燾董福祥各派馬隊裹糧跟追臣奉順並飛飭蒙古王公派蒙番各兵力堵擊時湘軍分統總兵龍恩思收復札什巴城並克水地川九莊廓清四十餘里適魏光燾於四月初十日奉電 旨赴陝西巡撫本任臣福祥到滬接辦剿撫事宜先後督飭諸軍攻下東灣生地溝化力坡甘都塘卡爾岡諸賊巢捕誅馬成林冷諸麻等並搜戮滇中逸匪三千餘名安插撫回及漢民之流亡失所者俾各復業於是西甯全境亦告底定時關外之賊警報雖至臣等欽遵電 諭令鄧增移紮肅州一帶力保關內完善之區復電商署新邕巡撫臣饒應祺飭道員潘效蘇率督標親軍重復出關會同新軍提督牛允誠等嚴堵安西敦煌玉門南山各隘口分頭截擊陣斬數千乞撫者五六千人該匪攻捕技窮竄走荒涼賊斃者又數萬人劉四伏等率死黨由色爾騰海西遁大漠臣模電商饒應祺派隊至羅布淖爾據險設伏七月中劉逆至羅布淖爾東南之和爾昂地方一鼓就擒於是成股之賊悉經撲滅關內外及青海全境一律肅清惟南山番地窮巖荒谷間有零星殘匪竄竊偷生已責成甘州肅州防軍各按地段設法搜拿不至大煩兵力矣臣等伏查此次逆回搆亂聚斃十萬人蹂躪地方縱橫至數千餘里仰仗 天威殲赫次第削平而各將軍士冒敵衝鋒擒渠掃穴奔走於酷暑

炎大之際出入於窮荒瘴癘之中實屬奮不顧身異常出力至後路防軍各局員弁守城之文武練團之紳民各省押運餉械之委員各路賑撫難民之官吏或嚴防要隘或力守危城或冒險轉輸或招徠流散均能力持大局不避艱辛除湘軍另由魏光燾專案奏獎河州西甯及青海關外各案由臣等分別另行具摺請獎並歷次陣亡員弁另案辦理外其餘出力文武員弁勇丁及上年循化狄道西甯解圍諸保案業經奉 旨准其保獎並交臣模查覆酌保均擬歸入此次彙案核實開單請獎臣等公同商酌擬前敵後路分作兩起懇 恩獎敘以示鼓勵而昭激勸 上諭陶模董福祥率順奏稱甘肅關內外及青海回匪一律肅清由五百里馳奏一摺上年三月間甘肅循化逆回滋事河州逆回馬永琳等乘機作亂海城逆首復有聚眾戕官之事由是礪伯巴燕戎格各處回匪聞風響應全省騷動特派董福祥魏光燾督師入甘認真剿辦董福祥總統各營尤為得力九月間直抵狄道屢戰皆捷遂解河州之圍誅逆回馬永琳等旋由循化米拉溝一帶進援西甯時魏光燾已提師抵甯與奎順會商先清西甯東三關踴躍遂誅逆首韓文秀等勦平北川進攻哆巴連解大通縣之圍董福祥復派隊渡大通河出達坂山會同陶模所派副將焦大聚等軍先後進攻北大通之賊本年二月克上下五莊復北大通城哆巴之賊賊其酋馬大頭三三請湘軍乞降維時巴燕戎格之逆回馬成林等句串米拉溝逆回治諸麻糾同眾擾及南川逆回

劉四伏等從水峽竄出由青海柴木箋延關外趙福祥等各派馬隊跟追並由奎順飭青海蒙番各兵合力堵剿先後攻下諸賊堡捕誅馬成林冶諸麻等朝廷諭令將鄧增一軍進紮肅州并電飭德應祺派道員潘効蘇各軍嚴堵安西敦煌玉門南山各隘口分投截擊擒劉四伏於羅布淖爾小東州之和爾昂地方於是關內外及青海全境一律肅清溯自逆回搆亂嗚聚數十萬人蹂躪地方數千里在事將帥督率諸軍擒渠掃穴次第剿平實屬異常出力董福祥運籌決策調度有方迭奏膚功勩勞懋著賞加太子少保銜並賞給騎都尉世職奎順防守西甯並進剿關海等處回匪辦理迅速著賞黃馬褂並交部從優議敘陶模捕除狂寇不遺餘力著補授陝甘總督德應祺剿辦關外回匪大勦卓著著補授新疆巡撫魏光燾攻克蘇家堡哆巴等處賊穴疊挫兇鋒亦屬著有勤勞著交部從優議敘用示朝廷論功行賞之至意○己巳劉坤一等奏光緒二十二年二月初九日欽奉 諭旨據御史陳其璋奏鎮江之東南山煤銀五金皆有可採著派熟悉礦務辦事實心之員按照所指地名認真勘擬定辦法具奏等因欽此○

實然後再分官商辦法步步從實庶免復蹈故轍當經 上 等分委江甯鹽巡道胡家楨常鎮通海道呂海寰招延礦師各就轄境分投取勘又以沿江一帶前因孽情疑阻曾禁開挖復將辦法示諭居民俾知此

事實爲利國便民之舉。據呂海寰勸得鎮江丹徒縣屬西面曹王山中殷山名中德百有石如鉛似炭  
質與鐵同。鎔去炭質而見鐵渣。其質似佳。又離江十餘里山名西德古有千層紙石。其色黃土。民誤以爲  
金。並有鐵石露出。又毗連曹王山之先頭山有吸鐵石。露出約含鐵六七分。可製粉鐵。試挖察看似產鐵  
較厚。惟須附近覓有礦煤。方便鎔化。現在委勘尙未覓到礦煤。又據胡家楨勸得句容縣屬之龍潭上元  
縣屬之棲霞山。林山。胡山。圓山。青龍山。馬扒井。石瀾山等處均有煤苗。當飭設局派員僱夫分別試  
挖。雖煤層厚薄不等。煤質優劣互異。然均係可採之礦。惟龍潭一處試開兩井。煤層忽有忽無。斷續無定  
尙須另行探驗。現就各礦酌定官商辦法。查有青龍石瀾兩山。驗係煙煤。煤質有油。火力者。亦堪供輪船  
機器之用。南洋輪船用煤多。資洋產該兩處現定酌撥經費。由官商採將來煤層果能寬厚。即可供輪船  
之用。其餘各礦或產柴煤或係鐵煤。植數不一定。爲商辦現已由紳民分請承領。飭令驗實。接辦仍由官  
局隨時稽察。將來各礦出煤應完稅釐。按照利國貨池各礦定章分別徵收。據各該道等將籌辦情形詳  
請核奏。前來查煤礦之利。雖不若金銀諸礦之優。近來商務盛興。機器林立。需煤至鉅。苟能廣爲開採。亦  
屬要圖。惟南方地勢低窪。土脈薄弱。瀕江之處。開採尤易。見水現飭酌購應用機具。妥定章程。實力籌辦。  
俟有頭緒。再赴各屬次第開辦。如有可開之礦。仍當接續酌辦。鐵礦需費較巨。且必就地產有合用之煤。

方便取以鎔鍊仍飭俟覓有煤礦卽行鑄化試驗分別要辦下部知之○癸酉諭朕欽奉 慈禧端佑康頤昭豫莊誠壽恭欽獻崇熙皇太后懿旨所有 普陞嶺萬年古地應修各工著添派副毅詳細勘估○鹿傳霖電致總理各國事務衙門請對礦案全克逆番對堆奪吉先運番僧夷喜出降普遣回藏現籌善後酌設流官惟訥欽咨新番官已起程請電傳 諭旨由 臣咨行訥欽飭令新番官無論行抵何處卽行回藏以免到來牽掣再昨有藏兵援贖之謠查係仔仲詐詞至前奉 旨恐違賴騙以外尚似可無慮除詳細分別具奏外敬祈先行代奏奏入軍機大臣奉 旨鹿傳霖電奏贖地礦案全克逆目遁逃甚堪慮系惟上中下三贖是否全克又未詳敘月日向應查該督於易換番官一事堅持前議不知三贖亂在夾塘中間爲入藏要路此等辦法違賴豈肯甘心卽無藏兵援贖之謠亦當慮及總之保川固要保藏尤以籌善後設流官此保川之計非保藏之計也叛則誅之服則撫之已給之地不索還已授之官不更易隱示違賴以兵威而不使藉口生費此保藏而並保川之計也該督身膺邊寄務當詳思善策○丙子世攝通州王恕圖等處喇嘛米石○諭前據給事中文郁奏參黑龍江將軍恩溥貪劣廢公一欸當經諭令廷茂確查具奏茲據奏稱查明恩溥被參各欸均無確據卽著毋庸置議候補筆帖式培源試用縣丞鄒維周試用知縣程含鈞著交恩溥留心查看主事凌雲候補知府王昌熾現在吉林卽著廷茂隨時察



看該部知道另片奏查明副都統所管各營有提差占額情事理春副都統恩藩藩交部議處○裕祿奏  
泉州船塢工程業山前兼船政臣邊寶泉督修完竣奏報在案奴才接任後察看該處依山臨江地勢軒  
敞船塢規制足可供備鋼鐵戰艦修理之用此工大費鉅歷任大臣經營數載始成刻下雖經告竣而  
以後營塢購機應辦之事尙多必當隨時講求次第舉辦以期周密經久惟該塢創造時並未另請專款  
均係由製船項下層累而成且現只專備塢工所用抽水機拉船機及起卸船物機器其餘修船應用機  
器雖設有房屋而器具尙待購備現值整頓之際欲造大號新式鋼鐵戰艦亟須接續預籌至如塢中一  
切零星旋修及妥募管塢工匠並添備挖泥機船以防潮攤沙淤阻礙開路亦當妥爲籌備塢工並無專  
款所有以上待辦之事當由奴才隨時察度情形 奏明辦理應用款項請仍於製船經費項下動撥造  
報以資修繕而重要工下部知之○丁丑以綿文爲內閣學士○戊寅諭御史彭述奏各省停止分發諸  
多弊礙請飭部嚴定限制等語著吏部議奏○鹿傳霖電致總理各國事務衙門稱奉到文電 諭旨跪  
誦之下惶悚莫名查贖粟係於九月二十六日收復上中下三廳全境早經一律歸順贖對在災瘡已瘳  
之旁並非入藏要路藏國可查通藏大路文報茶商均往來無阻歷年贖番肆虐滋事贖民受害甚深  
土司被誘附從此次大兵出關羣焉歸化不願再隸藏番仍受茶商土司亦各訴其被脅受制情詞迫切

自應許其收歸內屬故相率用命助剿今若仍歸藏轄使土司瞻民仍受藏番苛虐不惟大失民心亦無以昭大信而廣 皇仁從來招民使內附未聞驅民使外屬瞻民不甘仍受藏番之暴虐勢必紛紛籲請其將何以應之况瞻地實爲川省門戶哉 仰沐 聖恩界以川疆重任何敢不通籌熟計此事遠賴雖不免饒舌而決不敢別生衅端藏番亦知順逆况英乘其後廓伺其旁彼再叛 天朝何以自存俄亦不能遠遁 接藏員探稟所言相同如其藉口生衅 願身任其事必得一書以報 朝廷伏乞 聖恩憫瞻民之苦念疆土之重俯准仍如 前請撤回番官以便妥籌善後不惟保川卽以保藏不勝迫切待 命之至敬祈代奏奏入軍機大臣奉 旨鹿傳霖電悉酌留數營駐紮瞻對鎮靜彈壓此事關繫川藏全局現在大路並無阻礙著文海速馳赴前藏會同訥欽察看情形如瞻對收回是否輪服有無後患詳細馳奏以憑辦理並著鹿傳霖將前後電報奏摺一併鈔寄文海等閱看至番官業經簡放此時毋庸速撤○庚辰以羅心祿充出使英國欽差大臣黃遵憲充出使德國欽差大臣伍廷芳充出使美國欽差大臣○諭譚鍾麟等奏拿獲私鑄銀圓人犯審明定擬一摺所有私鑄龍紋銀圓之首犯鄒亞東掌管機器之夥犯陳亞潛謝亞生三名著卽行正法餘犯李漢南等均著照所擬治罪拿獲犯人之同知銜前定安縣知縣李家焯著免補本班以同知直隸州留於原省儘先補用補用守備廣州協左營前哨千總鄧惠貞

廣州協右營右哨千總李世鄰均著免補守備以都司儘先即補○陶模奏臣於本年八月初四日承准

總理各國事務衙門電寄奉 上諭陶模董福祥電悉據報關內外肅清大局已定惟安插悍眾收捕及

匪應責成派出各員妥慎經理鄧增著赴固原提督本任所有海城逸匪即著該提督就近查辦毋使漏

網俟辦理完竣地方平靖即著速行馳奏以慰區懷等因欽此除咨安插悍眾收捕及匪應遵 旨責成

派出各員妥慎經理外查該提督鄧增帶隊駐防肅州一帶已移行遵照赴任並將海城逸匪就近妥為

辦理毋使漏網以靖地方容俟該提督到任後辦理完竣即行馳奏上慰 宸廑報聞○辛巳子故左副

都御史薛福成事蹟交國史館立傳○戶部奏光緒二十年七月間戶部因籌餉緊要奏稱將二十一年

分在京王公以下滿漢文武大小官員俸銀並外省文武大小官員養廉均按實支之數核扣三成統歸

軍需動用嗣於上年十月間因關外雖已撤防甘肅尚有軍務一切徵兵募勇需款不貲奏請將二十一

年分京俸外廉再行核扣一年存儲候撥先復奉 旨允准通行遵辦在案現在海疆已無戰事回即業

就肅清自二十三年起京官應得俸銀外官應得養廉原應按照二十年以前實支之數開支以復舊制

惟北洋於歸併准軍之外添練海軍西路於停發行餉之餘尙需坐餉加以興修軌道堵築河工用款浩

繁部庫艱窘情形當為臣工所共諒而各省認還洋款難攤一空且有指養廉三成湊還洋債者合俸廉

兩項併計每年核扣數逾百萬以三成分計各員所扣無多以百萬合計公家所裨實鉅當此時局艱難度支匱乏中外文武久沐 皇仁允宜共摠忠義之忱藉伸報効惟查京外員弁其職分較卑者上年各省核扣養廉文職州縣以下武職參游以下迭經各該省奏請免扣均邀 聖明允准中外事同一律臣等公同商酌擬請將光緒二十三年分京官應得俸銀文職自五品以下武職自四品以下仍照全數開支其文職四品以上武職三品以上照案再行核扣三成外官應得養廉文職自府經歷縣丞以下武職自都司守備以下仍照全數開支其文職州縣以上武職參將游擊以上照案再行核扣三成併京俸外廉均擬再行接扣一年彙總奏咨存候撥用如蒙 俞允俟 命下之日即由 臣部通行在京各衙門暨各省將軍督撫欽遵辦理得 旨如所議行○乙酉命榮祿許應駁往密雲查辦事件○己丑授徐桐爲大學士管理吏部事務○以禮部尚書李鴻藻爲協辦大學士○諭軍機大臣等訥欽另奏唐廟鹽米通商事務現經委員和解邊斷完結一摺尙屬妥協所有出力委員准其酌保數員毋許冒濫○鹿傳霖奏提督周萬順督飭各營圍攻中贖分派勇隊擊退援賊並 臣等添派各營出關以資援剿當經續行會奏在案其時援賊雖已擊退仍盤踞近處希圖牽制我軍不能悉力圍攻周萬順當責成參將李飛龍務須督隊認真追剿酌派弁勇嚴防俾前敵各軍無後顧之慮早告成功至中贖逆業查閱周萬順繪呈地圖

逆巢有新舊大寨兩座形勢毗連均極高峻險固新舊大寨之外三面環列小碉十七座賊已自焚其三  
其餘棋布星羅相爲掎角我軍追逼各寨均能以鎗石轟擊互相援救是以大軍攻取猝難得手當飭  
周萬順相度地形攻其不備先圍其環列小碉則大寨勢成孤立一面仍多發譚諭開導招降爲剿撫兼  
施之計庶易成掃穴之功旋據周萬順迭次稟報援贖番賊前在喇峽地方經李飛龍等擊退八月初十  
日追至卡溪卡地方賊已渡河拆橋踞守該處無船可渡李飛龍趕造皮船以圖濟師援賊於十五日夜  
自卡溪卡潛遁十六日至蝦布卡歇息造飯適周萬順所派哨弁李鳳寶千總張世彥等率同白利孔撒  
麻吉三土司之兵由昌科一帶橫截而至賊乘馬而逃我軍追擊數十里賊復回頭拒敵鏖戰一晝夜斃  
賊多人賊始逃遁李鳳寶等復跟追百餘里賊已遠颺當在正卡格地方暫住維時李飛龍已渡河聞信  
立派哨弁宋金勝等率勁騎數十馳赴正卡格會同追擊二十一日夜據德爾格忒土司所屬滅埃寨首  
阿登密報賊等逃至滅埃住紮往探不虛李飛龍立飭李光榮督同各土司率隊馳往掩捕並令昌科麻  
絨各土千戶各派土兵隨同張世彥等扼守正卡江大橋以防竄逸部署已定二十四日黎明我軍掩至  
賊營覺窩土百戶七覺遠結先率所部土兵由左路攻入賊寨猝不及防相率驚竄我軍已據江橋無路  
可逃李光榮復由右路攻至賊寨前後受敵死亡枕藉生擒逆番三十一人斬首一百三十七級餘賊見

水欲逼我軍以洋鎗沿岸轟擊悉數殲除奪獲戰馬四十餘匹旄牛六十餘頭牛毛帳房三十九頂鎗械糧食無算悉已分賞有功土司此官軍追剿援賊全數撲滅之實在情形也至中歷逆巢新舊兩寨瓦山臨江寨之右山有哨礮三座形如品字爲新寨之屏蔽其新舊兩寨之前復有水礮四座相爲犄角周萬順察看形勢必須先克水礮始有進兵之路當飭趕造極厚木牌以禦鎗石並僱募曠夫挑運健勇開挖地道深入寨牆激勵各營將士決策進攻二十八日黎明周萬順親督各營開隊前進直攻第一水寨賊用鎗石轟擊我軍以牌自衛鼓勇直前旋卻直至昏夜始抵寨牆寨上鎗石如雨繼以沸湯附近賊慶等各率所部勇丁四面攻擊哨弁陳有珍督率勇丁曠夫開挖寨牆寨上鎗石如雨繼以沸湯附近賊寨復以鎗礮環擊我軍頗有傷亡新大寨復出悍賊數十直前援救陳有珍揮戈陷陣奮勇抵禦陣斬悍賊多人賊始退敗惟所掘地道爲石所阻未能成功時天已將明我軍始退避坎下朱蘭亭及哨弁張玉林均受石傷並陣亡勇丁一名受傷者十一名二十九日夜周萬順復督營曠甲等前往攻撲因恐他寨援救另派壽字副中營攻撲他寨以牽制之其時李飛龍已破援賊凱旋卽赴前敵親督長勝右營接開前洞適大寨復來援賊數十直犯我軍經馬驥興哨弁艾榮華馬象乾等分兵迎擊斬賊三人賊乃遁去惟寨上礮石如雨彈礮屢陳有珍均各受傷迨至四鼓始將地道挖成哨弁陳長信急負洋藥二桶裝入

洞中燃火轟發寨牆立圯我軍乘勢攻入立將寨賊焚殺無遺擒獲逃出番婦一名認明賊屍內有藏番帶兵大頭人一名工曲大頭人三名朱窩大頭人一名乍丁大頭人二名我軍亦陣亡差弁一名勇丁五名三十日夜周萬順復飭李飛龍與李朝福等乘勝進攻下游第二水寨援賊不敢復出我軍遂直抵寨牆挖掘地道用藥轟塌賊無算此又兩次攻克水寨之實在情形也九月初一日周萬順偵知賊之水寨守禦甚嚴議乘其不備攻取右山第二礮當令鄂明慶等乘夜率隊潛往攻撲曹懷甲李飛龍及明正士兵同往埋伏接應是夜二鼓銜枚急進直抵賊寨賊以長矛飛石直犯我軍李飛龍所部哨弁陳守信伏兵突出賊不得還我軍亦多受傷查此礮直立巖際路極陡險有新寨遙為犄角時以銅礮轟斃我軍猝難前進正在相持忽聞新寨銅礮炸裂哭聲震天哨弁楊蔭棠急放大礮轟擊我軍一湧而前挖成地道急以洋藥填入轟塌礮牆乘勢攻入將礮內悍賊殲除淨盡哨弁丁玉堂劉長勝番勇先登均受重傷陣亡勇丁三名受傷十二名惟右山尚有兩礮未克賊之守禦益嚴未易攻取查逆巢新礮大寨之左尚有賊礮五座為進兵大寨必由之路其第一礮居高臨下坡廂層疊最為險峻周萬順查勘地勢在所必爭督飭各營連夜猛攻未能得手至十三日副將陳立綱韓國秀所部兩營趕到亦均閉赴前敵兵力既厚士氣愈壯周萬順當飭白晝進攻分派壽字後營長勝中營長勝副中營新健營分路猛撲礮內放鎗

滿擊哨長余鳳鼎並勇丁一名當時陣亡游擊丁玉堂軍功能迎廷均受重傷眾欲退避哨弁陳有珍躬冒鎗石奔赴牆下鄂明慶復自後督隊眾始奮勇撲力挖牆脚各營鎗砲環施他寨之賊不敢出援相持兩時之久礮已挖穿陳有珍急負洋藥安放洞內滾殿而下俄頃火發礮牆齊摧守礮悍賊數十人無一股者周萬順復飭乘勝進攻下游一礮韓國秀卽督隊直前此礮本爲鎖橋而設橋爲高厚左鑿深池右築圍牆牆外掘有深濠濠外梅花柵密布雉以荆棘韓國秀親督弁兵將梅花柵奮力拔去而牆內伏賊鎗石如雨相持時許陣亡守備王勝美把總張仕臣六品軍功馬才品三人勇丁亦多有傷亡勢且不支周萬順急令外委梁長泰用開花礮轟擊時已亥刻賊復出隊救援各軍奮勇接戰斃賊甚多紛紛敗退礮內逃出六人請降餘爲礮火轟斃鎗礮漸稀陳有珍卽督率勇丁乘勢猛撲躍登圍牆復督令急挖礮牆大寨之賊迭出救援均經擊退時至五鼓礮牆挖至八尺尙未洞穿急以洋藥轟放僅去礮牆一角我軍乘勢攻入斬殺殆盡計一晝夜連奪賊礮二座逆巢藩籬已撤進兵之路已通當飭增修橋梁以通大路開挖明濠以圖逆巢仍多發譚諭密囑問謀諭以投降獻寨免其剿辦以離其心十六日午後見附近各礮紛紛遷入大寨周萬順知賊眾已無固志復飭各營進兵取其附近之礮各營遂率所部四面包抄齊聲吶喊賊眾驚惶無措堅守老巢鄂明慶遂率奮勇數十人傍山而行撲入一礮始知悍賊逃入大



案僅餘婦孺三人此燭即爲我有維時韓國秀李飛龍各率所部攻撲大寨寨內鎗石如雨時陣亡把總王懷三並勇丁一名猝難逼近李飛龍見附近一礮鎗聲稀少諒無多賊即率健勇數十人破門直入礮內僅有數人跳窗而下立爲我軍殲斃此燭亦即奪得正擬進剿大寨適大雨如注當即收隊計先後奪取五燭共陣亡弁勇十七人受傷者七十三人攻贖之役此次最爲惡戰此又連日進戰攻取五燭之實在情形也臣等伏查提督周萬順督軍進剿中贖合國兩月有餘先後攻破賊礮八座現僅存逆巢新樹大寨兩座小礮五座已成奔獸池魚成功在即至逆番仔仲則忠扎爾所搬援賊已經李飛龍督隊追剿殲滅無遺尤足以快人心而寒賊膽雖孽威遠播宜無敢援之賊而防範未可稍疎昨接周萬順稟報千總張世彥等駐防德爾格忒土司地方查有該番所派委員噶布倫火工加撥來贖辦理明贖之案所發傳旗據稱八月初一日由藏與新派駐贖番官四郎多布結一同起程飭該土司預備烏拉四百餘頭并無帶兵之說又另有傳牌一紙聲稱復派援贖番兵一千五百名等語張世彥一併呈送到營惟查閱傳牌究係何人所發並無姓名何處之兵亦未敘及牌內圖記亦復模糊不清顯係仔仲僞造希以虛聲搖惑軍心等仍飭周萬順等妥爲嚴防可無他慮至於中贖逆巢已失屏蔽不難一鼓攻克且據降賊供稱逆巢番衆數已無多觀此軍威深爲悔懼其逆番仔仲則忠扎爾在逃未回對堆奪古於大兵渡橋日

捕之時先已乘間竄出僅留其子楞殊與已革堪布奧古吐布丹在瞻死守楞殊已於九月十三日在喇  
內中礮傷斃夷喜吐布丹係喇番僧本不願拒敵官兵現尤極爲悔懼等仰體 朝廷寬大之恩飛飭  
周萬順開導招降撫兼施該逆番等如能悔罪獻察即可收回瞻地尅日肅清免致生靈荼毒如其冥  
頑不靈負隅死拒亦不難掃穴犁庭矣所有迭次出力員弁及陣亡應卹人員應俟事竣彙案獎卹奏請  
恩施此後軍情再當續行奏報 上諭軍機大臣等本日鹿傳霖奏迭克中瞻喇察剿撫情形文海奏  
瞻對業經收復酌宜籌辦法訥欽奏遵旨諮咨商上並瞻對關係藏中全局各摺片鹿傳霖此次奏報  
係在本月十一日電奏以前三瞻雖已全克或收回內屬或實還遠賴均於大局頗形窒礙實屬勢處兩  
難即使酌賞銀兩能否令其心服亦無把握向來藏內軍餉匪番商匯兌接濟兵米亦資商上倘遠賴因  
此缺望諸事掣肘將來印藏勘界一事更難著手是收回一說談何容易然使實行實還遠賴又恐藏番  
生心威脅鄰境各土司以致出關路阻將來駝隻無人供應何以入藏是徑行實還亦不可此事鹿傳  
霖力主改設漢官惟以上窒礙情形不可不熟思審處上次電奏保川保藏之說把握安在應如何通盤  
籌畫外不使遠賴萌反側之心內不使贖民罹水火之厄該督等身親其事自當確有見地文海著准其  
折回成都與鹿傳霖妥籌辦法如果能令遠賴悅服不至因此掣動藏中全局朝廷撫育方夏豈肯從違

岷於度外况贖對本係川省轄境又為全省門戶該督等接到此次諭旨務即詳細會商各抒所見迅  
速具奏所有迭次攻剿出力員弁及陣亡人員著鹿傳霖案奏請獎卹文海訥欽摺片著分別鈔給互  
看訥欽另奏藏廓鹽米通商事務現經訂立和約遵允完結一摺尙屬妥協所有派出委員准其酌保數  
員毋許冒濫將此由五百里各諭令知之○庚寅賜郡王銜貝勒載瀟第二子名溥修○辛卯轉徐曾濬  
為禮部左侍郎以張英麟為禮部右侍郎○調李鴻藻為吏部尙書孫家鼐為禮部尙書以許應騷為工  
部尙書錢應溥為左都御史○鹿傳霖奏提督周萬順督飭各營圍攻中曉老巢迭克附近各寨賊勢  
窮蹙妥籌剿撫情形經臣等奏報在案周萬順於攻克各寨之後隨即督飭各營弁勇開挖曲折明濠為  
攻取逆巢薊寨之計並派令降番屢次入寨開導令其獻寨投誠免死賊酋負固不服九月十七日濠已  
開成寨內之賊倍形惶懼將薊寨器物移入新寨猶抗不出降周萬順知其已無固志十八日清晨傳令  
各營四面進攻一面仍派降番入寨切實開導曉諭以利害禍福許以獻寨乞降准予免死如敢抗拒不服  
即當進攻破寨即在今日逆番夷葛吐布丹見事機已急始派其二等番官治桑巴出寨求見漢官周萬  
順當令隨員彭鶴年周啟藩張志騎及李飛龍鄂明慶李朝福與之相見治桑巴初猶狡辯無罪詞尙偏  
強彭鶴年等歷數其苛虐贖民蠶食土司參撤不遵而仔仲復敢帶兵越界滋事拒傷官兵種種罪狀嚴

詞訪實並諭以事已至此利害禍福惟其自取洽桑巴始懼罪服粟無可訛辯請以前之事皆係對堆奪  
古仔仲則忠扎霸所為兩人早已在逃夷喜吐布丹本不敢抗拒官兵近日守禦亦係對堆奪古之子榜  
殊之謀榜殊已於九月十三日中斷斃命夷喜吐布丹現知悔罪懇求罷兵彭鶴年等復勒令限三日之  
內陸續獻出碉寨不准遲延可從寬貸洽桑巴往返數四始於午後大開寨門將藪大寨獻出寨內番眾  
均已逃往新寨財物器械搬運一空韓國秀一軍當即入居寨內當是時本議十九日續獻五碉詎至次  
日番眾遲疑翻悔新大寨及附近五碉仍復固守如前周萬順恐久後生變議先收其各碉剪其羽翼急  
派韓國秀曹懷甲兩營仍復排隊而出並派已降番目扎什登珠及覺窩河口兩百戶帶同降番分赴各  
碉極力開導守碉各番懼於兵威知難相抗亦即陸續繳出器械先後投誠當派勇弁分往各碉共計招  
降番眾男女一百餘人分別資遣散去一面仍飭降番前往新寨嚴實洽桑巴畏懼遷延至二十一日始  
肯復出李飛龍李朝福諳其反覆之故據稱不敢抗拒惟慮誘殺且獻寨之後無地自容懇求賞給烏拉  
酌派弁勇護送回臧盜因結怨聽民深慮報復並慮我軍追襲周萬順當即宣布 皇仁概為允許當撤  
開一面之圍而夷性多疑終畏誘殺遷延乞緩至二十六日夷喜吐布丹率同喇嘛番眾婦孺三百餘人  
開門而出並據呈繳大砲五尊放出羈押明正革什咱德爾格忒霍爾五家番眾七十六人當即訊明分

別資遣分派各營移駐寨內三廳地面一律肅清各等情先後稟報前來伏查確對本係川省土司一自改隸西藏川省無約束之權歷任番官無不苛虐贖民威脅附近土司直欲使之全行歸附藏番逆謀已著故川省威令不行近年又越界干預川屬土司事務更欲侵佔明正土司疆土屢次尋衅搆兵迭經前督臣劉秉璋暨臣等咨明駐藏大臣奎煥等譯行商上飭將滋事番官對堆奪吉夷昂吐布丹一併撤換免滋邊衅乃該商上一味偏聽租庇不行約束追經奎煥等奏請將該番官等一併撤參欽奉 諭旨譯行商上仍復租縱如前抗不遵辦遂致對堆奪吉等兇燄愈張本年朱窩章谷兩土司爭奪印信號紙之案對堆奪吉等復敢稱應山彼斷結追經 臣等委員候補知府羅以禮等出關查辦對堆奪吉等已派仔仲則忠扎霸帶領番兵盤踞章谷勒令出具投贖字據羅以禮稟東文親往再三開導令其罷兵回巢仔仲則忠扎霸竟敢藐玩不遵馭守官寨陸續添兵顯然抗拒追李飛龍帶勇前往輒乘其不備放鎗轟擊傷斃勇丁先開兵衅羅以禮等因其叛逆昭著督飭漢土官兵認真攻剿擊退助逆之朱窩土司章谷喇嘛仔仲則忠扎霸始行敗遁回巢羅以禮等復乘勢攻取朱窩該土司四耶多登乘間遁去 臣等以仔仲則忠扎霸等罪難寬宥即飭提督周萬順督飭各營出關追剿直搗中廳以期掃穴犁庭罪人斯得其時贖對番民久受番官苛虐無不疾首痛心咸思內附紛紛前赴周萬順羅以禮營次遞稟乞撫復以前

次漢官失信深慮此次廳地仍歸賊屬迫周萬順等詳加開導許以廳地收回必設漢官決不再歸賊屬始各歡忻鼓舞擊相招徠是以大軍出關直入險阻三廳之民望風歸順真如有水就下之勢至於麻書白利孔撤章谷及德爾格忒各土司皆被其威得久已附從及周萬順等督隊進剿亦各派兵應調而至助剿極爲出力迫周萬順督軍進抵中廳四面合圍逆巢番寨已成釜底游魂周萬順遵照臣諭剿撫兼施多購開謀譯諭招降其時對堆奪首先已在逃其子楞株仍敢負隅抗拒夜率逆番撲我營壘而仔仲則忠扎爾逃後仍敢勾結工曲乍丁各番意圖回援周萬順既派李飛龍全殲援賊又復親督各營迭克寨壩該逆番勢極窮蹙外援已絕然猶倚其腔臂抵死拒守直待連破七壩逆番楞株中敵斃命逆巢破在旦夕夷喜吐布丹始知悔罪輸誠獻出鴉桑又復遷延數日始將所存五壩及新大寨獻出廳地一律肅清從此天威遠播不特川屬番部震懾畏服卽藏番亦頗知懼懼出廳民於水深火熱之中無不歡呼踴躍感戴 皇仁從此川省之邊患可平門戶可固關繫大局尤非淺鮮此皆仰賴我 皇上威福故能將士用命事機如此順手用兵僅三月有餘三廳地面全行收復臣前已酌派丁憂知縣張繼統帶防勇兩營出關應援辦理營後刻下廳地已復應飭迅速前往清查戶口安撫地方悉心體察改設歸流一切善後事宜均當次第興辦俟料理稍有頭緒進剿各營卽當酌量裁撤惟周萬順統率四營出關進剿

人數無多復於攻剽危急之際分派追剿援賊之軍追援賊殲除續撥之兩營開赴前敵卽於一月之內  
迅奏膚功不至老帥糜餉實屬異常出力且關外用兵艱於內地各將士員弁馳驅於荒寒冰雪之中均  
能奮勇爭先各樹功績允宜 懋賞特施破格保獎所有周萬順等出力各員相應開單仰懇 天恩俯  
准照獎以酬勞勩而示鼓勵此外剿滅援賊迭克喇寨轉運糧餉在事出力員弁勇丁暨土司頭人等俟  
詳查明確彙案另行奏獎至已革番官對堆奪吉僭號曠王憑年侵佔土司地土逆謀昭著仔仲則忠扎  
霸抗拒官兵先開兵燹並於逃遁之後勾結番部仍圖回援均屬罪魁禍首罪不容誅現經一併在逃仍  
應咨請駐藏大臣議行商上查拿務獲交川治罪朱窩土司四郎多登乘間竄逃日久無獲應嚴飭各土  
司一體查拿務獲懲辦以絕根株而弭邊患已革堪布夷喜吐布丹本無拒敵官兵之心其日久拒守係  
由對堆奪吉之子楞殊之謀迫楞殊既伏其誅現已悔罪獻寨情尚可原應請 鴻施逾格免其治罪以  
廣 皇仁其新放番官四郎多布結現在曠地應歸內屬設立漢官擬卽咨行藏中飭令毋庸前來免致  
生事所有籌辦善後事宜容再悉心籌畫詳細奏報又奏 前經迭次陳明瞻對爲川省門戶應設法收  
回嗣因逆番對堆奪吉派仔仲率兵侵佔章谷拒傷官兵先開衅端遂肇罪致討攻剿瞻業業經收復三  
瞻另行馳奏惟 臣 屢請免派番官迭次欽奉 旨 諭示已擇要電奏並再爲我 皇上縷晰陳之查藏

番通俄一節事在印藏構兵之時俄人乘間藉遊歷爲名取道後藏而來甘言厚幣以誘藏番又因語言文字不能相通特予密函三件約令遇有急難將函馳送俄境即可遣助兵援應藏番欣然信從粘好而去秘之未敢宣露乃後藏班禪素與達賴不睦而附於英因洩其事前駐藏大臣升泰聞知查究追出原函存案惜未及時銷燬迨升泰出缺藏番賄通司文案書仍將三函盜去然此後不聞再有往來之事蓋俄之距藏遠隔萬里夏秋水澆不能通行且必道經後藏若有句結則班禪必爲洩之英亦防之甚嚴此藏番難通俄之實情也否則以達賴之貌抗頑梗如其能通不待我驅之早已外向矣固無關瞻對之子奪也至番官之肆虐滋事直欲將邊地土司概歸其屬以遂其逆謀瞻民創鉅痛深土司被脅依附已有年矣此次大兵出關紛然歸心向化堅求內附自不能不許其效順之忱故先後僅到大營閱時亦祇三月卽能深入險阻攻克巖巢若非土司瞻民之相率歸誠助兵向導何能成此大功今既收回三瞻經營善後自應設流官盡心撫取以順民情而彰天討若仍以已得之瞻地委之藏番其苛虐侵擾必更甚於前則此次土司瞻民效順助剿不惟無功反受其害是前功盡棄大失人心其非所以布皇仁而昭大信更何以對土司瞻民乎况臣前已迭次奏明藏一有事瞻對卽屬之他人是其地之得失尤關川省之安危此臣所以再三奏請免派番官改歸內屬也伏思近年邊事皆由事前敷衍畏難不早爲



規畫一日事變猝臨遂致潰敗決裂不可收拾歷觀往事可爲寒心 皇上不以臣爲庸愚界臣以川疆重任臣何敢國莽從事致堪岬端特不敢敷衍畏難貽無窮之後患區區愚忱神天可鑒臣接藏員探稟遠賴開川省進兵頗有懼意故前此抗不撤換今始請改派番官其畏威不懷德卽此可見夫從前際對之賞給遠賴原屬一時權宜乃歷年番官虐民滋事今更敢拒傷官兵實屬罪大惡極姑念遠賴遠在數千里外或不知其番官之不法今不深責其縱容之罪已足示 皇上寬大之仁惟土司不能任其侵佔贖民不能任其苛虐應請明降 諭旨以昨據訥欽請派番官係屬照例允准今據臣奏明番官種種不法情形自應收回贖地仍歸川屬改派漢官管理其新派之番官四那多布結無論行抵何處卽飭回藏勿庸赴瞻譯行商上欽遵卽使遠賴狡執饒舌不難以理喻之若其藉口生衅則其勢有所不能何也藏番亦知順逆其僭從遠賴者感於佛教耳若公然背叛番民未必聽從且廓伺其旁英乘其後今再叛天朝更何能自存彼縱極愚頑必不敢出此况藏中達木八旗以及三十九族皆屬我而不屬藏若駐藏大臣號召該族而善用之更足以制遠賴使不敢逞嘖接訥欽來咨慮藏備皆由番官隨兌恐其作梗不知藏番實貪購茶之利故樂於在打箭爐收我銅銀購運入藏銷售者亦可隨兌如遠賴敢於藉口生衅臣願効髮軀身任其事必不致激成大患上貽 聖肝之憂也至英俄交窺藏地實皆注意印度英爲

商務最盛之國久有富名而轄境零散多處不相聯屬印度尤其奧區近年頗有持盈自危之意俄之垂涎印度已久以西藏據印度之鎖頂故思得藏以圖印以取建瓴之勢特遠在萬里外道路險阻勢難直通而英人頗以為慮防範甚嚴邇來俄法交密英人疑之亦結好德國以為助彼此相忌莫敢先發故英人之言曰上年構兵取藏易如反手其不肯取而願世界以和者懼俄之爭而開兵端也若英俄爭藏則兵連禍結將無已時藏為中國屬地萬國共知俄礙於公法決不能顯然圖藏中國若自行整頓藏務英俄皆不能干預則世界早定尙可暫時相安非虛語也無如藏番其頑梗抗難以理喻英俄恨之欲賦使廓爾喀等部藉事與之構兵而彼從旁觀衅而動遠賴外共投抗而中情震怯據藏員稟稱藏米鹽之委藏後執不肯用印關廓兵臨界即行違印立約又瞻番官抗不遵撤一聞川兵進剿遂請改派其情怯可見今我若自行設法整頓實英人之大願俄雖不欲而公法所在亦無可置詞昨接山印赴藏委員李毓森電稱行抵印度與英界務官晤談其意尙可通融辦理已函告文海促其速行入藏設法先將界務辦結徐圖整頓則藏可暫安川省亦有藩籬之固矣又奏准接准欽咨送達賴寄下文咨一件察其情詞雖多狡飾而其心實已畏懼臣當即據理開導俾復馳遞與其稍知警悟其竄達賴其頑無知皆其左右貪劣之囑布倫等於中播弄之又准文海咨送稿中多過慮之詞其酌賞達賴銀兩一節臣竊以

爲此端切不可自我先發必待其理屈詞窮再由駐藏大臣以酌賞爲轉圜在彼得之意外庶知頂戴  
皇仁否則番性實得無厭轉滋口實況自贖對賞給遠賴迄今將三十年每歲所得贖地賦稅已倍於三  
十萬之數乎現復據屬萬順稟稱贖民近聞仍有新番官將至紛紛驚疑赴營詢訴求勿撤兵代爲作主  
并私相竊議如番官果來將糾集全贖之眾抗拒驅逐不甘再受苛虐萬一漢官再失信不管將擁戴當  
日工布耶結之子仍規復其土司結業當經明白開導已阻番官勿來勿庸驚疑請速查明駐藏大臣并  
行沿途糶務勸止番官萬勿前來等語似此情形贖地若不收歸內屬必致贖民自逐番官思復土司結  
業是吏徒失民心遠賴仍不知感邊地且從此多事矣 上諭軍機大臣等鹿傳霖奏贖對全境收復應  
請撤回番官遠賴勢難生衅外向賞給銀兩其端不可自我先發及贖民聞新番官將至紛紛驚疑各摺  
片覽奏均悉現在全贖收復自應亟籌辦法惟徑行收回與仍行撤還事處兩難必須通籌籌畫俾遠賴  
贖民均無窒礙方可以保川保藏朝廷用意總以保藏爲要並無成見所有一切情形已於本月二十八  
日寄諭詳細諭知文海已准折回成都著該督卽與該大臣詳細商酌定一至當不易之策會同具奏將  
此由五百里諭令知之○是月荷蘭國使臣克羅伯回任○日斯巴尼亞國使臣葛格幹回國參贊理  
威署理○奧大利亞國署理使臣訥色恩抵任

光緒一百三十八

臣朱壽朋敬編

臣潘鴻鼎恭校

十一月壬辰朔以麟書籌步軍統領○以熙敬兼署兵部尚書孫家鼐兼署工部尚書○劉坤一奏山東刀匪經陳鳳樓等擊退擒匪目彭桂林等多名惟匪首劉士端尚在東境黨羽頗多恐其糾眾尋仇不可不豫爲之備隨調新授大同鎮總兵劉光才酌帶勇目並由漕臣松椿抽撥馬隊前往徐州會同鎮道嚴密巡防一面分咨鄰省協緝附片奏明在案嗣據該鎮道等稟稱山東刀匪解散劉士端旋經就擒本地土匪亦拿獲鄭令虎等數十名又由營縣協同山東兵練格殺匪目胡小車子地方照常安靖所有派去劉光才等營勇應即撤回省城照舊駐紮以資操練報聞○癸巳諭軍機大臣等本日翰林院奏醇賢親王嫡福晉祭文五道內歲暮清明中元三道係在泰安以後應另行撰擬至清明中元兩道內漢文何以咨二十二年丙申字樣亦屬疏忽著查明具奏○諭翰林院奏侍講王榮商請將捐納海防先知縣永遠停止據呈代奏一摺著該部議奏○總理各國事務衙門奏光緒二十二年九月二十六日軍機處鈔交候補四品京堂盛宣懷條陳自強大計暨設立達成信並開設銀行各摺片奉 旨著軍機大臣總

理各國事務衙門戶部妥議具奏欽此。臣等查原奏內練兵一條所稱近年中國既糜餉千餘萬以養綠  
兵復糜餉千餘萬以養練勇計各省實存練兵練勇八十餘萬人更新而不去猶無此財力制兵而不費  
一非善治軍宜將天下豈分十鎮海疆邊疆為重腹地僻地為輕堅強樸實之地多徵膏腴柔脆之地少  
選參酌西法簡練新兵三十萬人就各鎮形勢輕重等差兵數多寡徵選戶籍可稽年在二十以上二十  
五以下體魄身軀合式者徵為常備兵入營教練期以三年退為豫備兵亦期以三年退為後備兵亦期  
以三年退為民兵期以五年除其兵籍自豫備兵以下平時在家服農有事以次徵集豫備兵每年一次  
召集屯營與常備兵合操後備兵每年一次召集便宜地方使之演習皆視道里遠近給予路費民兵不  
集操在籍者皆免本戶徭役每歲十月由各鎮揀派選兵官分赴各屬會同州縣驗選合格者註於籍隨  
時徵充常備壯者入營而老者退籍老者退而壯者又復入營歷三年而一兵之例得二兵之用歷六年  
而一兵之例得三兵之用九年以後歲額三十萬人之例常得一百二十萬人之用各鎮營制例章統歸  
一律各營器械統歸一式器械營勇營悉去之以其歲餉三千餘萬而練常備兵三十萬人重訂餉章歲  
約不逾二千萬兩其餘以備洋教習薪水險備後備兵調操路費等用計無不足等語。臣等查添練新軍  
必需寬籌的餉上年臣戶部籌款奏內奉 旨令各省將綠營兵額裁七留三嗣經先後奏到除山東

請減五成自本年始陸續裁汰將每年節省餉項銀數開單奏咨辦理奉 旨允准外其餘各省所裁兵數多寡不一現已時閱年餘辦理情形究竟若何均未據續行奏到擬請 旨飭催各直省將裁減兵數及切實辦法速行奏明毋得仍以含混延宕之詞一奏塞責近年內外軍務均已不定如江南之榆關撤回各營陝西之營後防軍固應一律盡裁即直省之練軍旅順之數軍長江之內河水師亦擬請 旨飭令分別核實裁減以節虛糜以上二項騰出之餉專款存儲以備添練新軍之用以目前情形而論亦只有就北洋袁世凱馮士成兩軍及江南自強軍湖北洋操隊將西法切實講求認真訓練悉成勁旅俟裁減兵勇節省銀兩核明確數再行逐漸推廣宜慎所奏分發十鎮簡練三十萬人舉練營勇營悉去之約計海疆邊疆已屬不敷分布而腹地僻地過形空虛亦非所宜且三年退換一弛不張諸多窒礙應請毋慮虛瀆至各營鎗廠宜歸一律內外臣工條奏多持此說本年七月督辦軍務處奏請 飭下劉坤一張之洞將新製鎗式彼此較準實一辦理迄今尚未覆奏相應請 旨飭催並令將上海湖北兩局廠每日可出快鎗若干枝合價銀若干迅速具奏其理財一條所稱欲求足國先無病民欲收商利在挽外溢加稅之議聞洋人以釐金為詞蓋窺我國用之絀必不能停收釐金也應機決策莫如御免天下中途釐金加關稅為值百抽十令彼無所藉口釐金既免即仿行西國印稅之法辦理得宜計加收之關稅新收

之印稅合之當備於釐金西人通商惠工之本其樞紐皆在銀行中國亦宜仿行及另片所奏遴選各省公正股實之紳商舉為總董招集股本銀五百萬兩先在京都上海設立中國銀行其餘各省口岸以次添設由商董自行經理摺內又謂墨西哥國以九成之銀鑄錢運行中國易我十成之銀歲耗以億萬計近來廣東湖北北洋南洋先後鑄造銀元分兩輕重悉准墨銀既不能廢兩為元各庫出入仍需元寶必致無銀可鑄擬請在京師特設銀元總局以廣東湖北天津上海為分局開鑄銀幣每元重京平九成銀一兩再酌鑄金錢及小銀錢使子母相權而行凡出款俱用官鑄銀幣各省關收納地丁錢糧鹽課關稅釐金俱收官鑄銀幣元寶小錠概不准用惟收款仍照庫平十成銀計算庫平較京平定以每百兩加平六兩十成銀較九成銀每百兩應加色十兩除各庫上兌津貼銀一兩定以每百兩加色九兩如應交庫平足銀一百兩者實收銀幣一百十五元無高下輕重之別無減平扣色之弊以每年度支八千餘萬兩計之戶部約用平色銀盈餘一千二百萬兩較向來各省撥解平餘多收當不下千萬等語臣等查各省設卡抽釐為近來入款之一大宗如果洋稅可加至值百抽十將釐卡一律裁撤非惟入款足以相抵抑且體恤商艱無如值百抽十之議各國多方阻礙尙未定局且釐金為我自主之權洋貨或免土貨未能一律全免印花稅雖讓仿行將來辦理能否得法亦無把握此徑免釐金之說此時未便遽行者也至

開設銀行一節業已奉旨責成盛宣懷選擇股商設立總董招集股本合力興辦矣其所稱開辦銀元酌加分兩一節足以維持利權之一策也等公同商酌亦擬責成盛宣懷俟銀行辦成後准其附鑄一兩重銀元以十萬元為率先在南省試行如果可以流通毫無窒礙再由戶部妥議章程奏明辦理其育才一條所稱西國人才之盛皆出於學堂中國各州縣一時未能徧設宜令各省先設省學堂一所教以天算地輿格致製造汽機礦冶諸學而以法律政治商稅為要先設武備學堂一所教以築壘測地槍礮製造彈丸發送隊伍分合馬騎控御諸學而以兵法戎機有勇知方為要文武兩科不能盡改舊制似宜專設一科拔天下之廣額為新學之進階明定功令使文武學堂卒業者皆有出身之正途齊仕進於科第則聞風興起有志之士無不自奮於有用之學並另片所奏京師及上海兩處各設一達成館取成材之士專學英法語言文字專課法律公法政治通商之學兩館各以三四十名為額京官以編檢六部司員外官取候補選州縣以上府道以下令京官四品以上外官三品以上各舉所知出具切實考語保送另簡大臣考取分發兩館每年一切經費約需銀十萬兩由盛宣懷所管招商輪船電報兩局捐集解濟各等語臣等查學堂之設已由總理衙門於上年十一月議覆御史陳其璋所奏請旨飭下沿海將軍督撫於已設學堂量為展拓未設學堂者擇要仿行及本年七月議覆侍郎李端棻奏請推廣學校



預內令內地各府州縣或就原有書院款加課程或另建書院肆業專門業經先緒奉 旨允准通飭各

省遵辦至武備學堂現已設立者僅有南北洋數處自應酌量推廣擬請 旨飭下各省將軍督撫體察

情形能否於各省會中一律添設之處妥籌辦理至所稱在京師上海兩處各設遺成館一節自係為急

求人才起見應請照准此事為 國家重大之舉所有常年經費擬由戶部籌定的款按年撥給未便如

盛宣懷所奏由招商電報兩局集款解濟以崇體制至館中一切章程及應送何項人員入館肄業之處

應俟建造房屋落成請 旨簡放大臣後再行詳議具奏 上諭前據盛宣懷奏條陳自強大計並請開

設銀行設立達成館各摺片當經諭令軍機大臣總理各國事務衙門戶部妥議具奏茲據該王大臣等

悉心核議逐條具奏朕詳加批回除指駁各節應毋庸議或應暫行緩議外其餘兵一條為各省將軍

督撫專責不論勇營綠營當此餉項支絀均應大加裁汰現在各省仿照西法新練各軍暨上海湖北製

造槍礮兩局廠務須督飭該管將領承辦局員認真講求操練則毋獎皮毛器械則務求實一並按照此

次所擬辦法若者宜減定成數若者宜增創新章體察情形斟酌辦理理財一事戶部實任其難盈金既

未能速停印花稅亦驟難仿辦加稅之說迄今各國尚無成議惟開設銀行或亦收回利權之一法前已

諭令盛宣懷招商集股合力興辦銀行辦成並准其附辦一兩重銀元十萬元試行南省如無窒礙再由

戶部議訂章程辦理育才爲當今急務節經諭令各直省添設學堂實力舉辦其武備學堂能否於省會中一律添設並著該將軍督撫等妥籌具奏京師上海兩處既准設立大學堂是則國家陶冶人才之重地與各省集捐設立之書院不同著戶部籌定的款按年撥給毋庸由盛宣懷所管招商電報兩局集款解濟以崇體制以上三條經該王大臣等逐條核議均屬切實可行著戶部發各將軍督撫等查照議准各節實力舉辦其有前奏諭旨未經覆奏者卽著迅速覆奏總之辦事須求實際徒法不能自行該將軍督撫等奉到此旨務須腳踏實地見諸施行毋得粉飾因循一奏塞責原摺著鈔給閱看將此各諭令知之○延茂奏奴才前在黑龍江差次接准前任將軍長順咨開該省奏請開辦邊荒等因一摺於本年三月二十三日奉到 硃批著交延茂查明辦理欽此欽遵咨行在案奴才於抵任後當就原奏所陳博稽成案詳考積章竊以爲吉林荒務不思無可墾之地而思少招墾之謀始誤於旗民之不和繼誤於委員之自利以致良郭之地雖已大畧荒蕪而僻壤之田尙多未經耕種使地有餘利旗有餘丁究非計之善者是以部臣於本年八月核覆吉林邊餉報銷時以招墾各局設立已久而應徵租項與開支經費所得不償所失故有請 旨飭交奴才確查整頓分別裁留之奏所以節糜費廣利源也奴才構材陋質忝署邊圻舉凡興利節費教稼勸農本職分應爲之事實復荷 朝廷責任之重值度支籌餉之艱敢不竭

慮殫心冀效涓埃之助謹將擬辦大概情形敬爲我 皇上據實陳之吉林蕪荒之舉始於咸豐四年前將軍景綸奏開五常堡荒田厥後阿勒楚喀伯都訥雙城堡等處繼之其未經開墾書腹地則有伯都訥之毆梨廠賓州之方正泡皆稱膏腴尙在未開卽沿邊一帶如南荒之那爾活窪古塔之蜂蜜山上至珲春老嶺下至三姓江上崖窩克錦等處上下千數百里雖山勢層接而其中可墾之地正復不少惟檢查舊冊雖各該處可墾之荒均經奏報有案第未將各荒數目切實勘明是以撥放一節刻下尙難區處追值秋霜早降草木凋零勘丈行繩適當其會擬卽遴派委員先赴毆梨廠等處逐段履勘核實繩丈其究有可墾之荒若干繪圖帖說詳細呈報然後相度地勢妥議章程或可仿照此次奏定黑龍江新章畫井安屯一律辦理並令勘明各該處如果土性均優卽應一律查設旗屯其毆梨廠一處先儘附近之伯都訥並省城各旗丁備價承領方正泡一處先儘附近之三姓阿勒楚喀五常堡暨省城各旗丁備價承領如該二處荒數較多旗丁未能盡領再行搭放民戶以實闢田其沿邊各荒亦擬於明歲派員次第勘明撥辦清楚再令旗丁民戶一體承領俾得荒田盡闢大利早收以期仰副我 皇上興利籌邊之至意荒價租賦等項吉林原有定章應否酌中定議亦仍照章辦理擬俟將來勘丈完竣招放撥地時再由奴才體察時勢參酌章奏明辦理下戶部知之○甲午諭昨日翰林院呈遞恭摺 醇賢親王嫡福晉祭文

丙二十三年清明中元兩道漢文書作二十二年丙申字樣當諭令該衙門查明具奏茲據奏稱實係錯誤請分別議處等語所有辦事之翰林官著該衙門開具職名交部議處掌院學士麟書徐桐未經看出著一併交部議處○乙未陳兆文奏國家設牧令以撫字斯民設道府以考核州縣法至良任至重也自捐例開而流品日雜吏治日壞其弊有不可勝言者敢爲我 皇上敬陳之州縣爲親民之官卽讀書數十年尙恐不能周知民隱今則持銀數千兩不數月卽可履實任而謂其能勝任愉快豈不荒唐也道府有表率之責卽如部院人員歷練數十年尙有才力竭蹶者今則持銀數千兩遂能委差署缺而謂其能無慚厥職豈不信也臣亦非謂捐納中無人才也但其途太廣其效甚捷草茅之士被以章服之榮其始尙望慕虛名其繼乃因緣爲利而市井絀袴之輩或鬻田產或借貸親友家非素封人思躡進一旦得志無不肆其培克之謀以爲取償之計卽一二自好之士亦移於習俗迫於時勢而漸失其操身家之念重廉恥之道衰吏治尙可問哉且近年以來捐項繁多除新海防捐外如鹽捐當捐房捐股富捐恩借民欸皆准獎敘實官並許移獎親族而各捐戶私自減成或六七折或四五折其價愈廉趨之若鶩故各省候補人員道府多至千餘人督撫以人浮於事遂紛紛請停分發不知此省既停則改指他省又捐雖捐指任意更張不過以鄰爲壑况停止期滿捐生紛至屬集前者既未疏通後者更形壅滯安見其能澄清

仕途即不僅此也捐輸原爲籌餉計若今日之捐輸非惟無補於軍精實則贖虧夫 國帑何以言之

國家所賴惟正供之錢糧其次則取之釐稅以錢糧而論大縣五六萬兩小縣亦萬餘兩不等彼以官爲貿易者往往因本求利每署一缺補一官只計出產之肥瘠而地方之利病生民之休戚不遑顧問故錢糧所入略一侵吞已逾原捐之數卽令嚴察重究而所侵之款已歸無筭至各省釐卡林立屢奉 諭旨裁撤將撫總以減無可減爲言實則因此盈千累百之員坐淹歲月衣食無資藉此卡局以爲調劑究之得羨者不過十之二三於是鑽營奔競無所不至到局後自計搜括權算錙銖民脂民膏半歸中飽病商慮民莫此爲甚卽此一端通盤籌算是得於捐輸者甚微而失於帑項者至鉅卽爲籌餉計究亦何所裨益乎 愚以爲捐例一日不改則吏治一日不振冗員一日不汰則民困一日不蘇惟有籲懇 皇上飭部將捐納道府州縣四項實官有民社之責者亟行停止其餘各項不妨暫留庶在路可冀澄清人才可期振發 亦知部庫支絀籌款維艱何敢以迂腐之論冒瀆 聖聰實因此四項大有關於吏治而部庫所入捐款爲數無幾徒益外省之漏卮無補軍國之實用所得者小所失者大不得不披瀝直陳 上諭翰林院侍讀學士陳兆文奏請停止捐納道府州縣實官以挽積弊一摺著該部歸入昨日翰林院代奏侍講王榮商請停捐知縣摺內一併議奏○內申授寬岡爲東閣大學士徐桐爲體仁閣大學士○諭禁

門重地理宜嚴肅當經諭令該管大臣申嚴門禁稽察出入不啻三令五申乃近來竟有閒雜人等混跡入內門禁懈弛已可概見著前鋒統領護軍統領總管內務府大臣嚴飭值班官兵務須認真稽察不准閒雜人等乘間出入自經此次申警倘仍前疏忽定將該管大臣嚴懲不貸懷之○諭內務府奏審明偷竊官物人犯按例從重定擬一摺此案 甯壽宮効力伯唐阿崇林輒放商同民人小常行竊 甯壽宮殿內物件據供自本年三月起卽有進殿偷竊情事官禁重地該犯輒敢勾引民人迭次行竊情節重大不法已極崇林小常卽常順二犯均著卽行處斬以示懲儆總管內務府大臣平時既漫無覺察此案所定罪名將該二犯擬發極邊充軍輕縱朦混意在規避處分殊屬有負委任管理 甯壽宮事務總管內務府大臣著交部議處其餘總管內務府大臣著交部察議 甯壽宮司員均著革職留任○丁酉命那春副都統沙克都林扎布隨同延茂專辦吉林邊務事宜○諭恩澤等奏特參委協領因公苛斂請旨革職一摺黑龍江北團林子委協領敬凌因辦公虧乏輒於所屬旗丁任意攤派苛斂雖非入己究屬違例敬凌著卽行革職以肅屯政而儆效尤○己亥諭鹿傳霖奏綏定等處被災情形籌辦賑濟一摺四川綏定夔州酉陽三府州屬本年自春徂秋陰雨過久山多塌裂傾壓民房各處河水陡漲漫溢成災情形甚重覽奏殊深憫惻卽著鹿傳霖飭屬妥爲撫恤務使貧患及民毋任災黎失所○辛丑高燾會奏本年春

問贖對逆番滋事擾及鄰封經四川督臣鹿傳霖派兵剿辦現已將次就緒臣愚以爲經此戡定自當籌一勞永逸之計不宜仍前遷就致釀邊陲隱患查贖對一隅自道光以來疊逞頑梗同治初年贖對工布朗結糾亂經藏中助兵剿平遂將此地賞給唐古忒此一時極宜之舉未及規畫久遠之謀也考贖對自屬藏以後頻年反側屢滋事端光緒六年十二月初四川督臣丁寶楨奏稱贖對緊逼疆垣接連內地一自歸藏節制蹂躪邊氓不堪言狀又云此地賞歸遠賴喇嘛由藏派番官前往戍守在遠賴喇嘛原不敢夜郎自大惟所派番官鮮知大義以爲得此重地與我抗衡遂每肆鴟張恣竊食如從前之彭陵巴勒令曲登土司投誠每年納丁銀五千兩近年西北兩路之孔撤朱窩魚口德蓋及麥塘屬之阿巴三村竹巴籠五村各頭目土民畏索康色凶饑勉強歸附納賦當差而且內地夾壩逆番盡以贖對爲進逃藪該番官既縱令肆行搶劫又租庇爲之護符一遇有事益員土司等慮開邊衅不敢過問卽或稟報咨藏行查不但累月經年毫無端緒並敢抗詞推諉奸狡不承遂致跋扈強橫日甚一日此次竟敢大肆猖獗擄兵犯境圍攻壘寨焚殺百姓據此情形已成邊荒隱患等語按索康色在贖對亂甫於光緒六年剿辦今僅十有餘年仍敢大肆披猖復蹈前轍是贖對之屢次違抗實由藏中之失於控馭確有明徵本年經川督臣檄撤番官屢催問應卽非違賴喇嘛有心縱庇亦足見其威令不能行於贖對也贖對雖亦崇奉黃

教然野番雜處好亂樂禍非江卡察木多等處有大喇嘛可資統攝者比與藏術風俗亦不盡相習三瞻  
地界接壤明正土司距川甚近距藏最遠且適當貢道之旁稍有蠢動卽形梗阻不可不及時籌畫致貽  
伏莽滋漫之虞臣聞八月邸鈔瞻對番官業已據實補授在 朝廷撫綏藩服原不必既子復取爭此區  
區之壤地顧畧瞻對於藩部其損小稱隱憂於邊陲其患大瞻曾歷來抗命幾成故習不止一人一官爲  
然此次川兵入境百姓爭先効順若仍予番官事權則兵撤之後雖保不虐待其民激成變亂用兵則煩  
費無已聽之則恣睢日甚其不可者一也海外萬國環伺耽耽瞻對爲我故地今重勞兵力幸而剿平倘  
仍棄之域外彼族見我偷安畏事毫無遠圖滇蜀土司與英毗連者居多此後益將覬覦及米大啟戎心  
其尤不可者又一也爲今日計莫如收回三瞻撤去番官建置漢官設兵戍守開墾屯田次第興辦一面  
瞻諭達賴喇嘛以藏兵不能遠服瞻對之故今我爲之開化興治豫杜禍機固川疆卽以安藏境持此割  
切開導番族當亦易於順從不然則仿金川五屯或多用松潘理番各屬制建漢員經理地方事務其番  
官但令食租衣稅無所干預或如夷塘巴塘江卡察木多等處安設臺站糧員星羅棋布無事羈縻勿絕  
有事則聲息易通俾川藏兩境聯爲一氣萬不可仍委之西藏一任番官之恣意妄爲也此事大局攸關  
臣究不敢通爲測度鹿傳霖身任封圻責無旁貸應請 旨飭下該督卽將如何措置可弭後患之慮悉



心妥籌奏明辦理總之瞻曾不可不加重懲戒番不可不使知儆必須恩威互濟乃可消遏亂萌折外藩  
驕蹇之心卽以戢強鄰狡啟之志又奏臣聞道員姚文棟所著偵探記英人於滇邊地方測量道路所過  
土司但將令歸附惟遇有漢官駐紮處則止不復前蓋以其正名爲中國地界彼雖負狡亦無謂闖入也  
然則爲固圍計非於邊界設官不可查四川徼外各土司馴字表遠實有鞭長莫及之勢而最重要者以  
打箭爐迤西巴裏入藏孔道爲最衝現在打箭爐屬正設同知一員職分未崇難資控馭又值川邊創辦  
開礦之際撫綏彈緝關繫非輕擬請於屬城設分巡道一員統轄巴江察各糧員兼管鑛關及礦務茶  
務再於裏塘以南與雲南中甸接壤處設文武官一二員永遠駐守以杜英人窺藏之路庶幾門戶嚴密  
外患潛消又四川提督本駐雅州府近來移鎮成都打箭爐以西兵備尙形空虛可否將阜和協副將改  
設總兵益以內地勇營或徑令移紮裏塘等處以資鎮懾於邊陲防務不無裨益臣所擬各節辦法均爲  
豫防英人窺伺起見現值夷剿平一切布置皆可以彈壓番族爲名尙不至啟外人疑忌否則機會一  
失後難圖矣 上諭軍機大臣等有人奏應對關繫川藏大局請飭籌經久之策以杜外患而固邊防一  
摺應對一事雖經諭令鹿傳霖迎籌全局妥慎辦理此奏所稱撤去番官建置漢官設兵戍守開墾屯田  
各節是否悉合機宜鹿傳霖身任封圻當兼籌川藏全局卽歸入前兩次寄諭內一併妥籌迅速具奏另

片奏請於打箭爐城設巡道一員再於麥塘以南與雲南中甸接壤處設文武官一二員並將阜和協副將改設總兵或徑令移紮麥塘等語著鹿傳霖一併妥議具奏原摺片著鈔給閱看將此由五百里諭令知之○王寅諭前據御史孫賦謙奏參雲南副都統謙光貪劣各款當派榮祿許應驤前往查辦茲據查明覆奏謙光於營員補缺兵丁挑甲支放兵米各節均無受賄確據惟任令業經驅逐之妾弟劉天榮仍出入衙署致招物議家丁薛雲梯即薛放奏將載芝雖據該副都統聲稱並無分肥情事乃並不防範任其辭去違礙殊屬不合謙光著交部議處雲南縣知縣殷謙承放兵米糧雜潮濕前經該副都統奏參已照部議處調卹著毋庸置議○甲辰 上諭 傳臬殿行禮○乙巳以馮文蔚爲內閣學士○丙午諭軍機大臣等有人奏直隸盜賊橫行請飭嚴緝一摺據稱獻縣向爲盜賊淵藪民人譴禿子等爲之窩主賊首任五等率黨持械劫奪行旅該縣地面有通賊消息者設立標局科斂錢文否則必遭劫奪深州屬之孤城村耿家莊順天府屬之馬駒橋清河鎮九十月間屢出明火傷人之案此外居民被劫者不知凡幾等語畿輔重地盜賊如此橫行總由州縣諱盜捕役養賊派出練軍又未能認真緝捕所致著王文韶嚴飭各該州縣及防練各軍迅速嚴拿倘該員弁如前玩泄卽著從嚴參辦以重捕務而衛閭閻原摺著鈔給閱看將此諭令知之○丁未諭御史王鵬運奏請將捐納實官一項全數停止並請將江北漕糧改

照海運各摺片著該部議奏○戊申冬至大祀 天於 闕丘 上親詣行禮○己酉諭吏部奏遵議處

分一摺管理 甯壽宮事務總理內務府大臣懷塔布立山原擬革職著加恩改為革職留任總管內務

府大臣啟秀崇光文琳世續原擬降三級調用著加恩改為降三級留任○辛亥諭御史宋伯魯奏鄉會

試第三場及各項考試策題宜專問時務等語著禮部議奏○諭御史張兆蘭奏請嚴催各省題報兵馬

數目一摺各省兵馬數目迭經降旨飭令依限題報乃積習相沿仍未一律遵辦現在各省兵額多經裁

減尤宜妥速題報方昭核實著各該督撫即將裁存兵馬額數迅速具題造冊報部即由兵部咨行戶部

核對各該督撫如再有遲逾即著該部照例奏參以儆玩泄○癸丑諭翰林院侍讀陳秉和奏盜賊橫行

州縣姑息請飭認真整頓等語向例州縣遇有刑案逾限不獲吏議禁嚴若如該侍讀所奏州縣每遇刑

案安然無事甚至百姓報劫過令改竊似此任意廢弛必至良善含冤盜賊肆志著該督撫通飭所屬認

真緝捕刑案限滿不獲照例嚴參倘有匪盜聚案等情即行參革其有緝捕得力破獲巨案即著奏請獎

勵毋任仍前玩泄以重捕務而肅官方○乙卯翰林院侍讀陳秉和奏各國傳教洋人不遵約章請飭

總理衙門與各國公使申明條約得 旨該衙門議奏○丙辰王文韶奏直隸磁州煤礦前經御史陳其

璋奏奉 諭旨飭臣據派熟悉礦務辦事實心之員認真勘辦定辦法據實具奏等因欽遵在案查磁

州之西五十里彭城右太行山麓與山西潞安府河南彰德府毗連素產煤鐵居民以土法開挖不能深  
取往往時興時廢其中吳家窪之煤最爲著名爲大紅炭可備鑄鍊鋼鐵及輪舟火車各項機器之用  
舊有煤井十二座停止年久積水甚深經臣飭委候補知縣葉溶光前往履勘擬就舊井先購機器汲水  
始行開採挖煤皆用人工俾本地窮民得有生計所出之煤以供本地磁窯灰窯等用銷路亦暢該處爲  
蘆漢鐵路必經之地將來鐵路告成即可資其煤以爲用而該處煤鐵各礦亦可逐漸擴充目前實爲發  
軋之始臣復飭候補知府陳忠儼會同葉溶光將招股購器諸事認真妥籌辦理茲據酌擬章程稟請奏  
明試辦前來臣查直省可開之礦如臨榆撫寧平泉建昌朝陽赤峯等處皆經臣先後委派道員徐潤同  
知錢鏗等分投查勘次第經筮而磁州煤礦尤係奉旨飭辦之件該員所擬辦法均尙妥洽自應准其  
試辦報聞○丁巳察哈爾都統惠銘以病免○己未以溥良兼署吏部右侍郎崇光兼署工部右侍郎○  
以祥麟爲察哈爾都統○諭翰林院侍講學士濟澂奏庫儲重地請飭整頓積弊一摺戶部銀庫爲出納  
總匯理宜嚴肅乃據稱近來開庫之期每有已滿庫兵及匪徒洩跡瀆隘並有充當庫兵期滿久不更替  
以致弊習叢生著管理三庫大臣於開庫時督率司員嚴密查察如有匪徒洩跡卽行拿獲究辦其期滿  
庫兵並著飭令照例退役毋任朦混盤踞以重庫儲而戢奸宄○諭翰林院侍講學士濟澂奏京城錢店

奸商牟利往往藉端開歇近日如東城之天義等三錢店數日之間均各歇業以致錢價低昂不定兵民受累實深等語著步軍統領衙門順天府五城一體出示嚴行禁止倘有如所奏奸商串通司坊各官情弊並著從嚴參辦以儆效尤○諭前據廷茂奏查覆黑龍江將軍恩澤被多一案請將署內之培源鄭維周程國鈞等交恩澤留心察看當經降旨允准茲據御史孫賦謙奏稱培源等屢招物議不宜仍在藩府盤踞等語候補筆帖式培源試用縣丞鄭維周試用知縣程國鈞均著該將軍驅逐各回旗籍并任選巡○孫賦謙奏道與時為轉移政隨時為改革自古聖人御世未有蹈常襲故而不因時以制宜者也矧當外患迭乘前車可鑒尙可拘於成例不急思禦敵之方乎臣於去年九月二十八日具摺請停試刀石而改鎗礮以儲將才奏 旨交兵部議奏嗣經兵部奏駁引嚴禁私藏火藥之例謂如改試鎗礮是火器為士子演習所必需官不能禁其私藏倘藉匪臂小怨滋生事端恐啟紛爭之歎所奏著勿庸議惟令營用武進士落第武舉之藝擲者在營練習洋鎗洋礮等因奉 旨依議欽此在部臣恪遵定例過恐未明誠屬杜漸防微之意然臣竊謂部臣所見猶未卽天下大局而統籌之也昔人云兩利相形取其重兩害相形取其輕今以鎮礮論之弛其禁而紛爭恐傷人命嚴其禁而考試不得將才人命之重所傷者數人卽至多亦數十百人然將才不得則敵以巧利相攻我以笨拙致敗其被傷者雖千萬億兆而不止一則下

爲閭閻之患一則上貽 社稷之憂此其害果孰輕孰重乎夫人苟有仇讐必期致之死地卽刀劍亦足逞兇不禁刀劍而禁鎗砲遂能防其滋事耶再如各省大盜皆執洋鎗以行劫而良民拘於例章反不能執鎗以禦之故明火截路之案傷亡者因以滋多也況近日洋鎗盛行民間處處皆有名雖禁實不能禁地方官吏安得比戶而稽之風聞廣東械鬪不但敢放火鎗而且環列大礮官吏又烏能禁之乎刻下吏治廢弛愚在粉飾具文而不實事求是耳若事事認真自強亦何難之有方今外洋諸國皆由武備學堂拔取將士以期精益求精而我但令營用進士落第武舉練習鎗礮是以中下之材敵上驕欲並駕齊驅而不能尙安望其捷足先登也哉然則爲我 國家計與其廢鎗礮之禁而虛名而受實禍何如弛鎗礮之禁選將材以練兵戎時務之急大局攸關其考試之法 臣前摺已略言應請 宸衷獨斷熟權利害助降 諭旨俾各督撫學政出示通行自明年歲考爲始凡武試諸場皆停刀石而習洋鎗礮則以之禦敵無難矣 上諭御史孫賦謙奏武場考試仍請雙通舊制一摺著兵部議奏○劉坤一奏前准戶部議擬江南機器局購機建廠製造快鎗快礮製藥鍊鋼請添撥常年經費銀二十萬兩擬俟將加造鎗礮火藥細數統盤核明奏明指撥行令遵照等因茲據總辦局員江蘇候補道劉麒祥等稟稱每年加撥常費銀二十萬兩現在統盤合計鍊鋼廠每年可出快礮快鎗筒及鎗礮機件礮架器具等鋼料一千餘墩粟色

藥廠每年可出栗色火藥二千餘萬磅無煙藥廠每年可出無煙火藥六萬餘磅以上三大宗即係常年製造之外所創新廠各項加造之數其快鎗快礮子礮彈均已一律改造新式無從分別常造加造併二計之快利新鎗每年可出一千五百桿一百磅子快礮可成六尊四十磅子快礮每年可成十二尊快利鎗子每年可出一百二十萬顆快礮銅彈每年可成一千五百餘顆大小礮彈每年可成一萬餘顆此係併計加造改造之數稟請照發接濟前來 查該局常年所領一成洋稅除分撥金陵機器局及養船經費外為數本屬無多祇能供原設各機廠之用機廠既增工料自僭蓋栗色藥無煙藥及鍊鋼三廠均係新創本無常費有廠無費仍與無廠相等新式之快礮鎗以及子彈等項製作既精工費亦鉅亦斷非額領經費所能敷用前著督臣張之洞請加撥常費委屬必不可少之需合無仰懇 天恩俯准飭部照案指撥俾濟要需得 旨如所請行

十二月辛酉朔調長萃為倉場侍郎溥營為吏部右侍郎轉學帥為禮部左侍郎以溥嶺為禮部右侍郎  
○壬戌雲○江西地震○以陸寶忠署左副都御史○諭宗人府奏不入八分輔國公銜二等鎮國將軍載津病故無嗣載津夫人鈕祜祿氏願將郡王銜員勒載灃之第二子溥修過繼為嗣一摺溥修著准其過繼載津為嗣並著加恩仍賞給二等鎮國將軍○甲子雲○乙丑 上諭 奏先嚴 壽皇殿行禮○

加賞西城資營堂粥廠米石○陶模等奏 福祥前奉六月十九日電 旨董福祥馳奏入山搜剿及攻克卡爾岡各情形均悉該提督力疾徃調度合宜深堪嘉尚迭次出力員弁著俟西寧全境肅清擇尤酌保等因欽此當經欽遵恭錄咨行去後旋以西寧全境一律肅清於九月十四日會同奏明在案伏查西寧轄境東南爲巴燕戎格循化以達河州北爲大通縣再北則爲大通以達甘涼西出水峽則爲青海回番雜處山水阻深上年三月間循化撤回韓努力以爭教起擾圍攻羅城未及解圍而西寧逆酋韓文秀遂起初擾巴燕戎格又回窺西寧由是四川之哆巴北川之蘇家堡南川之羊毛溝東川之沙溝新莊附城之東關皆爲賊巢穴四出殺掠時來攻城大通縣城被圍北大通營失守而河州之回亦起官軍往援西寧城扼之於山峽口又潛由碾伯以繞出官軍之後意在夾攻牛師韓一軍初戰甚力而軍無紀律浸以玩生未幾而牛師韓亦卒及官軍既進解西寧之圍賊又遇之於東關而恣意肆行如故河州既定 福祥因派道員張成基先行總兵何得彪及馬安良等繼進會台 奎順及鄧增等各軍破賊於申中羊毛溝及沙溝樹兒灣等處又破之於後子河長甯堡解北川營城之圍又進解大通縣城之圍黑林堡爲賊堅巢力戰而克又破賊於北大通復其城堡 模適派道員潘效蘇總兵焦大聚由扁都口踵之會攻各莊踞匪平之是時陝西巡撫 魏光燾率所部湘軍亦立誅逆首韓文秀毀東關攻克蘇家堡圍哆



巴賊困而乞撫，詎猶未決。於是臣福祥始奉命移軍西寧。是時循化逆首冶諸麻既擲而復叛，盤踞米拉溝而巴燕戎格之逆首馬成林應之。馬成林踞卡爾岡而水地川中原三莊甘都斯之賊又相率從之。皆恃其險阻，謂自昔官軍所不能至也。水峽敗賊又出竄於青海擾及燒節地方。臣福祥既破賊於東灣，孤山而進，及至西寧會商，搜剿擒獲，冶諸麻及馬城桂等併逆首韓努力誅之。數月之間，次第底定。將士衝鋒蹈險，不憚其勞，或窮歷深山，手足皆裂，或併日而食，遇寇必追，此皆仰仗天威，故得人人用命。升任西寧鎮總兵，鄧增聞賊所至，或親往督戰，身先士卒，奮迅無前，力保危城，以待援軍之至。而各廳縣以彈丸之地，處於其間，兵力既單，民食又缺，閱數月之久而皆有以自全。則地方文武及防營之勞亦不可沒也。據各該營及地方官先後呈報前來，臣等公同覆核，委係異常出力。除湘軍應由魏光燾自行陳達外，謹開具清單恭呈御覽。下部議奏。○鹿傳霖等奏，臣等於光緒二十二年十一月十二日接奉軍機大臣字寄，十月二十八日奉 上諭：本日鹿傳霖奏，克中瞻礪寨，剿撫情形。文海奏，贛對業經收復。亟宜妥籌辦法。欽此。遵旨。譯咨。商上並贛對關係。賊中全局各摺片。鹿傳霖此次奏報，係在本月十一日。電奏以前。三應雖已全克，或收回內屬，或賞還，均於大局頗形窒礙。實屬勢處兩難。即使酌賞銀兩，能令其心服，亦無把握。向來藏內軍餉，歸番商匯兌，接濟兵米，亦資商上。倘違賴因此缺案，諸事掣肘。

將來印藏勘界一事更難著手是收回一說談何容易然使竟行改選邊賴又恐藏番生心威脅鄰境各土司以致出關路阻將來駝隻無人供應何以入藏是竟行改選亦有不可此事鹿傳霖力主改設漢官惟以上窳穢情形不可不熟思審處上次電奏保川保藏之說把擺安在應如何通盤籌畫外不使邊賴萌反側之心內不使瞻民罹水火之厄該督等身親其事自當確有見地文海著准其折回成都與鹿傳霖妥籌辦法如果能令邊賴悅服不致因此聖動藏中全局朝廷撫育方夏豈肯置邊氓於度外况瞻對本係川省轄境又為全省門戶哉該督等接此次諭旨務即詳細會商各抒所見迅速具奏所有疊次攻剿出力員弁及陣亡人員著鹿傳霖案奏請獎卹文海訥欽摺片著分別鈔給互看訥欽另奏藏屬鹽米通商事務現經訂立和約遵允完結一摺尙屬妥協所有派出委員准其酌保數員毋許冒濫將此山五百里各諭令知之欽此臣文海已於十一月初六日到省遵卽會同詳細籌商惟有仍請酌費銀兩一節尙爲歸東之計特不可自我發端須設法引之上路藏番性情遲疑貧狡外強中乾此次微有懼心若替爲開導或可就範擬由臣等會商臣訥欽札飭隨勘界務委員知府李毓霖及後藏糧員胡用霖曉諭商上囑布倫等令其轉致邊賴告以瞻對本係川屬乃該番官等異常苛虐瞻民受其荼毒現據其紛紛控訴之詞慘不忍聞不惟大失朝廷愛民之仁亦且顯悖佛教慈悲之意邊賴遠在數千里外鞭長莫及

及致爲番官蒙蔽不及察知今仔仲復敢越境滋事先傷官兵大軍追剿收復其地仰體 大皇帝如天之仁仍將降番夷喜吐布丹等不加傷害遣回藏現膽民懇求內附并欲糾眾抗拒番官免再受害自應奏請仍歸川屬設官撫綏遠賴來文既稱常沐 仁慈萬難圖報惟有常川勸誦經典恭祝 大皇帝萬福萬壽朝廷興旺等語自應感激 歷聖數百年保護釋教之恩引咎自責將新番官四郎多布結等撤回靜候 諭旨益足見恭順之心一經奏聞 大皇帝必深爲嘉悅優加 恩賞以後該教自更興隆等語向其剴切開導縱不能即時聽從必可得其意向至訥欽所慮餉兵米兩事 臣等細加探訪軍餉可由打箭爐自向察木多番商議兌兵米亦可自向藏市廓商採購不至爲其所制委員果能堅持妥辦善爲曉譬彼既無可挾制自不能不就求賞爲轉圖縱多費數十萬金而地歸內屬可免無窮之後患所得良多况瞻對尚有出產可以徐圖補苴如此辦理雖不能確有把握似終可就我範圍如蒙 俞允俟恭奉 諭旨卽行飛咨幫辦大臣訥欽遵照飭令委員妥辦 臣等已先將此意函致訥欽并飭隨同番官現在察木多暫住之參將喻立誠亦向四郎多布結青傑彭錯等相機開導令其折回轉致遠賴以期早日就緒頃接委員李毓森到藏來稟據稱接晤英界務官意可通融察探番情若以山頂分界亦可聽從界務或不費手合併陳明又奏 臣於光緒二十二年十一月十四日承准軍機大臣字寄十月三十日奉

上諭鹿傳霖奏聽對全境收復應請撤回番官近賴勢雖生鮮外向賞給銀兩其端不可自我先發及曠民間新番官將至紛紛疑駭各摺片覽奏均悉現在全疆收復自應亟籌辦法惟徑行收回與仍行徵辦事處兩難必須通盤籌畫俾遠賴民均無窒礙方可以保川保藏朝廷用意總以保藏爲要並無成見所有一切情形已於本月二十八日寄諭詳細諭知文海已准折回成都著該督卽與該大臣詳細商酌定一至當不易之策會同具奏將此由五百里諭令知之欽此跪誦之下仰見 皇上柔遠愛民之至意欽懷莫名遵查前奉 諭旨卽與駐藏大臣文海詳細籌商擬派員卽導藏番仍請賞銀兩另摺會奏在案伏查聽對在川省西南衆土司之中去藏遠隔數千里而距川甚近形勢最爲扼要自歸藏以來番官連年苛虐曠民威脅土司直欲使關外全歸其管轄爲害已屬不淺況今藏勢岌岌一且屬之他人其禍尤大此次用兵寓撫於剿逆番勢窮力竭始獻寨出降卽將降番數百人營遣回藏可謂仁至義盡遠賴稍有天良應知感戴 皇上如天之仁前攻剿喫緊時據察木多文武稟報仔仲逆番詐傳遠賴之命於該處附近調番兵六千該番等衆謂不敢抗拒 天朝彼百般迫脅日久應者僅三百人迨該文武曉以大義遂闕然散去是衆番尙知順逆決不能助遠賴叛逆也今三瞻幸已收復土司曠民歸心向化藏番震懾或不致如前藐抗不獨保川兼可保藏蓋懲之正所以保之也遠賴愚冥無知近來驕抗異

常視視大臣動輒阻撓皆由貪劣番官之播弄今示以天威彼番官等亦可稍知警懼雖收回賞還事屬兩難然兩害相形當取其輕夫收回贖地違賴縱不心服不過狡執饒舌不致別滋事端若再行賞還則大失土司贖民之心而藏番且視爲當然并不知感其勢益橫贖民不甘再受荼毒必致糾衆相抗民勝則民與藏交相怨我措手尤難藏勝則土司全爲其脅服川藏阻隔邊患益深此尤切近之災藏番之性畏威而不懷德我若牽就彼更得志界務迫商益加任意抗違激怒英人藏之危亡可立而待藏若不保贖爲藏屬他關外土司全非我有逼近打箭爐內地其禍尤不堪設想臣商之臣文海所見略同此時收回贖地著蒙諭旨飭令駐藏幫辦大臣欽遵行商上切責番官害民侵地之罪一面委員善爲開導恩威並用較易聽從違賴計無復之終歸求賞爲結束縱番性貪利多索而可免無窮之後患亦較之賞還爲益實多且待罪贖圻身親其事何敢不統籌全局深思熟計惟實見三贖之得失有關川藏之安危是以再三力請撤回番官收復贖地也今番官未撤漢官一日不設贖民之心一日不安藏番之覬覦亦一日不息而應乘此設官撫治悉除苛政緩輯贖民卽章谷朱窩兩土司因互相爭鬪致釀禍端朱窩土司四郎多登旬結番藏爭鬪搆兵固應嚴拿治罪卽扎喜旺甲本係麻書土司之子業經承襲其職復因章谷老土司病歿無子爭欲兼襲致釀衅端亦應不准兼襲并請將章谷朱窩兩土司轄地一併改

設漢官略仿松潘五屯舊案遴委委員管理土民賦稅詞訟一切等事以安民心而杜後患俟三處善後辦妥卽次第推行經營要塘巴塘德爾格忒一帶地方酌度情形開荒修路逐漸整頓直至川藏交界為止庶可固川省之藩籬懾藏番之狡抗則界務通商均可次第了結英人亦自輸服一面取道德格土司轄境展修電綫西接三十九族地方以達前藏不經唐古忒轄境彼自無能阻撓從此極力經營二三年後電綫既通邊防就緒聲息靈通遠賴自必震懾天威不敢仍前違抗政令仍操之匪藏大臣則川藏鞏固庶可紓 皇上西顧之憂臣刻已會商臣文海函致臣訥欽派員曉諭遠賴并札飭參將喻立誠勸諭番官折回一併開導一面飭令駐紮臚對之張繼撫綏臚民妥籌善後并飭唐承烈清查章谷朱窩兩土司之土地戶口以備派員分投前往管理漸次整頓以保疆圉而弭後患如蒙 兪允容再詳議章程奏明辦理又奏 臣前奉 諭旨著酌留數營駐紮臚對鎮靜彈壓等因欽此當卽欽遵飭行酌留六營妥爲彈壓去後嗣據周萬順張繼會稟以先派攻剿之四營弁勇既多傷亡亦甚疲乏關外嚴寒軍士思歸臚民欣欣聽命從前逃亡者多已歸來惟紛紛控訴番官之凶暴苛斂民不聊生求歸內屬查看情形若酌留後去四營足資鎮懾臣覆查屬實已飭張繼統帶三營駐紮臚對籌辦善後韓國秀一營駐紮道鴨兼顧章谷朱窩善後其餘四營已陸續凱撤不日卽可入關 上諭軍機大臣等鹿傳霖文海奏遵旨

會商妥籌贖對辦法鹿傳霖奏籌辦贖對朱高章行營後事宜各一摺所陳贖對地方形勢及贖民向化  
藏番震懾各情通籌全局利害相形自以收回贖地改設漢官爲止辦著鹿傳霖文海即將前後情形及  
現在辦法詳細函知欽劉切詳明開導遠賴贖以大義並舉行商上示以朝廷保護黃教二百餘年贖  
對距藏窩遠糧長莫及收回內屬實爲藏中省卻無數萬藤免致贖民與藏番交怨並飭現在察木多營  
住之參將喻立誠向四郎多布結青德彭錯等相機開導總應使番官折回縱費臂舌當不至別生枝節  
舉動全局則辦理自易就緒其賞銀一節並准通融辦理如遠賴撤回番官即可藉此轉圜是在該督等  
相機因應矣至所請將章谷朱窩兩土司一併改設漢官將來次第經營麥塘巴塘一帶地方屢修電綫  
界務亦易就範各節並著該督等通盤籌畫妥慎辦理鹿傳霖另片奏酌留三營駐紮贖對籌辦善後著  
照所議辦理總之鹿傳霖身膺疆寄文海訥欽統轄全藏均屬責無旁貸務須酌度情形剛柔互用保藏  
保川兩無罅礙方爲不負委任一切操縱機宜朝廷不爲遙制也將此由五百里各諭令知之○丙寅劉  
坤一奏光緒二十年間沿江沿海分設電綫由署督臣張之洞將設綫情形奏明在案茲據督辦官電事  
宜道員盛宣懷詳稱江陰一綫自上海之吳淞起經寶山滂浦福山以達江陰計綫路二百七十七里崇  
明一綫沿吳淞口南岸起接至獅子林以達北岸崇明計水陸綫路一百八十里乍浦一綫自上海起越

黃浦江經川沙關南匯泰賢金山之海塘以達乍浦計綫路二百六十八里通州一綫分爲三路一由鎮江南岸象山起接至關山關約五十一里一由鎮江北岸瓜州起接至都天廟約二十里一由揚州起接至通州之任家港並橫接泰州約綫路三百四十六里共四百七十七里海州一綫自清江起接至海州及贛榆之青口並橫接板浦約綫路二百九十六里通州共水陸綫路一千三百七十六里分起籌辦一律工竣共用工料薪資庫平銀七萬五千八百四十兩有奇分晰造冊詳請核辦前來臣查此次設立電綫器具可向商電局借用者卽不購辦所需員司有可向商電局借用者卽不委派是以開支較爲節省一切用款亦均核實無浮惟此項電綫既因籌防而設自應卽撤以節省經費之費臣於本年正月抵任後當督飭局員分別核定海州至清江通州至瓜州路遠綫長照料不易惟該兩處尙有商報可遞暫交商局收管應用崇明孤懸海外水綫較鉅酌留司事工役專管其餘各處桿綫與成各地方官會籌派撥兵役看管遇有損壞隨時撥款修理所有委員報生人等概行裁撤以節經費下部知之○戊辰諭給事中丁立瀛奏捐納實官請一概議停並請變通漕法以裕利源一摺著戶部議奏○諭給事中丁立瀛奏稷管人員番撫奏請開復並率行奏留原差請飭申明定例酌定處分等語著該部議奏○王文韶奏南漕改由海運復獨江北漕糧仍由河運定議之初原爲留此一綫運道以備不虞起見然年例江安糧道轉



漕十餘萬石經行江南山東境內河工例有歲修重運回空均須兼顧且江北漕船每年往還一次已足保此運道而有餘復於蘇漕項下提撥米十萬石併入河運由滬而津計期不過三四日由津而通亦數日可達故官辦船雖不能保其無弊而尚易嚴防江北河運若為定章糧道親身押運呼應較靈雖不如海運之簡便而流弊亦覺尚少惟蘇漕則臨時派員押運船多而照料難周道遠而官非孫習種種弊端莫可究詰本年漕船到津較之歷屆已遲二三月且恐其有誤回空民船不堪其苦督飭天津印委各員運通者兼程催遣留津者免日免收此次截留江北漕米五萬石米色尚好江蘇五萬石之米色參差不齊其尤甚者蒸變成團不成顆粒剔除曬晾幾費周章其故由於途長水淺自黃入運自運入衛節節阻滯由陶城埠以至臨濟路不過二百數十里而就延至七八十日之久船戶水腳止有此數窮無復之則偷米米數短少則攤水以天庾正供拘千百號之民船歷數千里之險阻而致此紅朽霉爛之物亦奚以為且運受黃病已非人力所能施所以不避挽運之難者良非得已且見今年河運抵津之遲與米色之雜因得詳求其利病而竊思有以變通之不揣庸愚擬請自光緒二十二年冬漕為始除江北漕糧仍循原定章程辦理河運外其改撥之蘇漕十萬石一律統歸海運既不失顧全運道之本意而京倉亦可多得十萬石好米即大江南北之獨船為生者並可免四百餘戶之遠役此雖而各安其業似不為失算

也管見所及是否有當應懇 勅下戶部核議施行下戶部議奏○己巳諭軍機大臣等都察院奏編修馮誦清等以地方糾弊請查明查禁據呈代奏一摺據稱江蘇崇明縣糧銀價田房稅契地方官不遵奏案例章以致小民艱苦無所控告等語案關地方官違例浮收虛實應澈究著劉坤一趙舒魏確切查明據實具奏毋稍徇隱原呈著鈔給閱看將此諭令知之○壬申 上詣建福宮 孝貞顯皇后聖容前行禮○癸酉諭軍機大臣等倉場衙門奏匪徒高賊逞兇請飭嚴拿等語所有著名匪徒小艾等七名卽著步軍統領衙門按照單開姓名住址嚴密緝拿務獲送交刑部審辦毋任漏網原單著鈔給閱看將此諭令知之○諭御史孫賦謙奏考試文場請嚴正文體及鄉會試磨勘請申明定例各摺片著禮部議奏○甲戌諭軍機大臣等有人奏遼南地方上年春有將州縣糧賦全行豁免乃風聞鳳凰廳岫巖州兩處雖經刊布謄黃而該州廳及城守尉各官藉口官租與國課不同仍勒限催徵並追及前數年積欠又遼南州縣小民有事到官吏役先勒封規往往因此傾家蕩產請飭嚴查多辦各等語遼南各州縣元氣未復地方官宜如何加意撫恤若如所奏該處文武各官督將業經奉旨豁免之糧賦仍舊徵收並任令吏役藉端勒索規費殊堪痛恨著依克唐阿松林確切查明嚴行申禁倘該官吏等仍敢陽奉陰違卽著從嚴參辦不准稍有徇庇原片二件著鈔給閱看將此各諭令知之○諭御史楊崇伊奏請釐正文體以

端士習一摺著禮部歸入御史孫賦謙鑒正文體摺內一併兩奏○乙亥以準良爲內閣學士○諭朕欽奉 慈禧端佑康頤昭豫莊誠壽恭欽獻崇熙皇太后懿旨郡王銜多羅貝勒載溥之子頤品頂戴溥偉著承繼郡王銜多羅貝勒載溥爲嗣並著賞給多羅貝勒用示篤念親賢加恩近支至意○內子福建地震○丁丑給事中積成博奏洋商改造土貨侵奪利權請 飭籌抵制軍機大臣奉 旨著該衙門議奏○給事中積成博奏考試策問請准引用 本朝人名書名軍機大臣奉 旨著禮部議奏○戊寅諭前據陶模等奏邊保西甯出力文武員弁懇恩獎勵開單呈覽各摺片當經降旨諭令該部議奏茲據給事中吳光奎奏西甯肅清保案文武三十餘人俱列異常勞績恐涉冒濫並將已革通判張心泰等十餘名率請開復又另片奏已革知縣耿士偉尙有未結之案似此任意開列難保無訛等弊請飭部分別查核撤銷各等語朝廷論功行賞原以激勵人才豈容稍涉冒濫該部將陶模等此次保案內所開已革人員查明被參原案核其情節輕重分別准駁不得以該革員等投効軍營概邀優獎其餘請獎各員弁並著該部從嚴核議以重名器又片奏嗣後降革人員投効各路軍營及邊防海防河工各處請飭先將被參原案咨部核准立案方准留差等語著該部議奏○庚辰諭軍機大臣等依榜額奏涼州地方緊要籌練洋操請飭撥快鎗一摺著奏均悉該都統擬於涼莊兩處馬甲步甲發育兵閒散內挑練洋操自係

爲整頓營務銅備地方起見卽著照所議辦理所請由北洋撥運快鎗著王文韶酌量撥給派員運解以資應用○諭依克唐阿奏恭勘 福陵隆恩殿工程情形較重請派大臣勘估修理一摺 陵寢要工關繫重大亟應擇吉興修以昭慎重著派依克唐阿鍾靈敏逆勘估修理○總理各國事務衙門奏光緒二十二年十一月二十四日准軍機處鈔交翰林院侍讀陳策和奏各國傳教洋人不遵約章請飭申明條約一摺奉 旨著該衙門詳奏欽此查原奏內稱各國教士遇事生風恫喝官長收招無賴游民以爲爪牙包攬詞訟凌轍良民背條約而不顧中國官吏不敢執條約以相抵應由總理衙門與各國公使聲明條約轉飭主教並各教士遇有民教案件由地方官秉公訊斷不准教士干預至教民詞訟須論是非曲直不准藉入教爲護符不遵訊斷等語臣等查民教詞訟由地方官秉公審斷教士不得干預一節載明條約暨迭次奏准傳教諭單遵行已久臣衙門遇有此等案件無不據約力爭該使臣等亦不敢以案歸地方官審斷爲違約特各直省州縣能知條約者無幾前數年山東德國教案教士持條約求保護該縣怒擲於地以足踏之德使臣因而來臣衙門訴說該侍讀所稱但求守約誠爲確論無如各省辦事駁雜平日既不知條約爲何物臨事豈能執條約以辯爭教案之多大率因此中國無賴莠民既甘心入教無非倚教士爲護符其因詞訟到官無不狡展而地方官祇論曲直不論民教臣衙門議覆御史潘慶瀾奏

內業經續晰陳明請 旨飭行在案編查歷年已結教案尙無教民始終不遵訊斷之事原奏又稱焚燬教堂之案總署責令地方官賠償地方官無此巨款則諱民教鬧毆妄構民變江南碭山之亂本係民教尋仇事甚易了乃該縣規避賠償銷張其事幾至釀成大亂等語臣等查碭山焚燬教堂一案係旗丁龐三因被教民搶麥起釁先後焚燒劉堤頭侯莊等處教堂教民受傷身死該旗丁又勾引大刀會匪三四百人入境滋擾經兩江督臣劉坤一山東撫臣李秉衡調撥營隊會同剿辦先後擒獲匪首劉士端等三十餘名訊明正法解散餘黨一面議賠教士七千餘串完結是碭山一案始而民教尋仇繼而會匪滋擾若非該省在事員弁剿辦得力難免不釀成事端該省所報情形係由該督特派鎮道查辦並非僅據該縣一面之詞該縣亦非規避賠償銷張其事原奏又稱洋人愛某處房宅其人不資則尋一無業奸民指爲己物實與洋人並串通哥更竊印文約洋人即踞爲己有驅逐業主地方官不敢科以盜買盜賣等語臣等查教堂買地一節同治四年法國使臣柏德固與臣衙門定議專章本無報明地方官字樣自前年法員呂推被戕之案起法國使臣施阿蘭來臣衙門申明柏德固原議臣衙門無從駁阻因於上年通行各直省仍照德柏固原議辦理該侍讀所稱洋人串通哥更竊印文約地方官雖甚不才似亦不至如是豐贖而盜賣盜買情弊實難保其必無臣衙門因與施阿蘭商議如過 國家禁地民間公產仍不准教

士誤買於無可補救之中稍示限制之意再三辯論尙未速就範既有成議未易掀翻也原奏又稱山東州縣西南鄉教堂教士向商賈收稅苛虐異常以致互相鬪毆殺傷數命福建有主教者鬪毆執照每張洋銀二十四圓良民有此始免教士凌虐奸民有此即可橫行鄉里如此日甚一日良民盡爲教民等語臣等查教堂收稅主教鬪毆執照較之尋常傳教爲害尤甚臣衙門檢查近年案牘尙無此等文件應卽咨行山東撫臣閩浙督臣確切查明辦理以杜衅萌至原奏又稱教堂不過破屋數間卽或尋仇鬪毆焚毀房舍查非洋樓但科以應得之罪不必賠償等語臣等查教堂房屋坐落某處共若干問各省向不查報自光緒十七年沿江教案紛起臣衙門通行各直省凡有教堂分別洋式華式按季咨報有案可稽如所毀並非洋式教堂自不應照洋式議賠以昭核實若如該侍讀所稱不必賠償此時頗難向外人置論各省每遇此等案件大都地方官不著保護所致故歷辦賠償之案該國皆有所挾按約均難辯解不得已而以賠償結案並非故爲遷就上年福建古田一案殺死英人婦孺多命該國且不願賠償蓋外國人旅居中土所望中國照約保護諒不肯以性命博賠償也至各省教案地方官既不能保護於事前及至議賠又取之公帑國家安得如許財員以供昏庸牧令之取攜也兩江督臣劉坤一曾有攤賠之奏臣衙門因復奏請通行原非責難於州縣殆欲知所做當不致漠然無動於中庶幾實力防範教案或

亦漸少耳該侍讀以條約爲交涉之要實閱歷有得之言相應請 旨飭下各直省將軍督撫將各國條約廣爲刷印分頒各府州縣遇有教案照約辦理所益實多得 旨如所議行○辛巳鹿傳霖奏 旨承准軍機大臣字寄光緒二十二年十一月初十日奉 上諭有人奏瞻對關繫川藏大局請飭籌經久之策以杜外患而固邊防一摺應對一事經諭令鹿傳霖通籌全局妥慎辦理此奏所請撤去番官建置漢官設兵戍守開墾屯田各節是否悉合機宜鹿傳霖身任封圻當兼籌川藏全局卽歸入前兩次寄諭內一併妥籌迅速具奏另片奏請於打箭爐城設巡道一員再於夷塘以南與雲南中甸接壤處設文武官一二員並將阜和協副將改設總兵或徑令移紮夷塘等語著鹿傳霖一併妥議具奏原摺片著鈔給閱看將此由五百里諭令知之欽此仰見 聖主慎重邊陲斷言必察之至意跪誦之下莫名欽服伏查瞻對一事 臣前恭奉兩次 寄諭業經會同文海妥商具奏 臣又另摺覆陳諒逆 宸鑒查原奏所稱瞻論遠賴撤去番官建置漢官必須恩威並濟乃可清遏亂萌等語正與 臣迭次奏陳之意大致相同其言彼族見我偷安畏事益將大啟戎心尤爲洞達事理另片所陳添設文武各官以爲固圉之計思深慮遠頗合機宜茲按照原奏各節悉心妥籌分別緩急酌擬辦法敬爲我 皇上詳晰陳之竊維三瞻之地南接夷塘爲入藏通衢北界德蓋土司爲茶商入藏之北路居衆土司之中形勢險要今既收復其地擬

改設直隸同知一員更名曰定瞻直隸屬隸於建昌道而移建昌道於打箭爐勿庸添設道員以歸節省  
並將打箭爐廳亦改爲直隸廳徑隨道轄同城之阜和協請仍其舊其章谷朱窩兩土司則改土歸流仿  
金川五屯之制設立屯官作爲差缺並將麻書孔撒白利三土司分隸於兩屯官兼轄而統隸於瞻對同  
知並添設遊擊一員與同知同城使漢土官民聯爲一氣又德爾格忒土司一名德蓋又曰疊蓋皆轉音  
也幅員最廣據金沙江上游頗爲扼要其地南界三瞻北界青海東西將二千里直抵藏界察木多將來  
核展電綫卽由此取道達藏比年爲瞻會商其土婦廢其土司全境依附於藏今大軍克復三瞻其土司  
具呈控訴其頭人等正懷疑懼宜及時設法牢籠其頭人復其土司之位使之畏威懷德樂爲我用亦設  
屯官一員都司一員以鎮撫之並隸於瞻對臣已分飭唐承烈張繼等各將瞻對章谷朱窩等處疆域賦  
稅戶籍等項分別查勘造具圖冊呈核並加意撫綏羈縻各土司土民使之益親漢官以收人心而便後  
圖此應及時急爲經營者也至於添設總兵或駐裏塘或駐巴塘作爲邊疆要缺而以阜和協及巴裏兩  
塘之都司及新設之瞻對遊擊德格都司均隸之且邊荒地畝闕如有應添設佐貳塘汛以期聲勢聯  
絡之處尙待查勘明確酌量辦理此應稍緩逐漸推廣者也蓋瞻對民心業已向化而章谷朱窩土司爭  
勇肇禍理宜改流俟此三處布置就緒然後漸次推廣經營德蓋巴裏兩塘等處臣據派委員出關逐



一踏勘籌度以期妥協而資經久惟是邊方創始地既險遠荒寒事役委曲繁重仰懇 天恩不拘臣以  
文法俾得便宜從事破格以勵人才厚賞以勵將士庶可日起有功再查雲南維西協屬之阿墩子汛地  
方界接巴塘轄境左臨瀾滄右抱金沙兩江深澗最關緊要聞近年英人由阿薩密修造鐵路直達緬甸  
其鐵路橫經之處距阿墩子僅四五日程似宜於阿墩子移撤重鎮以固疆圉擬請 旨飭下雲南督撫

臣與臣會商應如何於川滇交界各設文武員弁之處公同妥議奏明辦理如此通籌建設布置使川省  
關外與內地聲息相通再將電綫展通於前藏消息愈靈無事則邊地相安有事亦籌防較易如蒙 俞

允應請明降 諭旨將番官四郡多布結撤回 飭令駐藏大臣訥欽即照原奏所陳曉諭達賴以藏中

不能速服瞻對以致番官苛虐不能覺察今我為之開化興治正以預防禍機固川卽以安藏剴切開導

使其稍知利害然後酌加賞罰以為歸束於以布 德威而崇國體有裨大局實非淺鮮今日之西藏亦

至愚極弱矣俄遠而英近不患反側而患驕縱愈驕縱則愈梗頑又有一二番官黃鼓其間未必速能聽

從臣雖極力經營於邊境勢難遁制夫藏中尤賴駐藏大臣等不憚煩雜和衷共濟相機開導力圖振作

庶藏番不敢始終固執自可徐就範圍至設官替後一切詳細章程應俟奉到 諭旨允准後容臣熟計

深思分析陳奏 上諭軍機大臣等傳霖馳奏瞻對設官各節覽奏已悉此事關係川藏全局是以鑒

誠請督妥慎辦理今據所奏於川省藩廳綱繆甚固而於藏衛情形仍無把握總賴尙無回信又未撤兵其包藏貳心已可概見設因一隅內屬而全藏動搖得不償失該督豈未深思耶蓋該督將贖民願仍歸川並朝廷垂念藏番可以酌賞銀兩之意明白宣示派委幹員乘傳入藏必得總賴的實聲援且以覘其向背之幾俟有確情再行定議切勿孟浪從事致誤大局李鹿傳錄遊 旨派委雅州府知府裕綱入藏並瀝陳遠賴不能生鮮情形懇請 寄諭駐藏幫辦大臣訥欽飭裕綱明示遠賴收回贖地然朝議終以藏番藉端生鮮爲憂不果行○壬午 上詣 醇賢親王園寓 皇本生妣金棺前行遷柩禮○諭桂斌奏參贊久懸請飭理藩院明軍請閱一摺著理藩院查明具奏主所奏軍臣漢盟長呈情已報未幾台吉有六百餘員之多並著該衙門迅速查核辦理不准稍遲○癸未 上御紫光閣閱兵較○甲甲 上詣黑龍潭拈香○以 皇本生妣金棺永遠永安 上詣 醇賢親王園寢恭迎駐蹕○乙酉行泰安禮畢還海○丙戌浙江提督張其光卒賜卹如例○以陳濟清爲浙江提督○諭翰林院侍讀學士瑞洵奏大員子弟失教妄爲請飭嚴加約束各摺片宗室及滿漢大員子弟叨恩錄廢宜如何束身自愛力圖上進以期無隕家聲若如所奏近來大員子弟往往不循禮法不務正業種種妄爲實足敗壞風氣嗣後滿漢大員於各該子弟等亟須隨時教誡嚴加約束毋染浮華積習倘或踰閑蕩檢致貽尤該大員等亦不

能辭咎定當一併嚴懲毋謂誥誡之不預也將此通諭知之○鹿傳霖電致總理各國事務衙門恭奏  
電 諭旨跪誦懷德查新番官暫駐察不多只隨帶兵二百名此外並無藏兵違賴狡詞藉口漢官偏袒  
明正土司請納欵代爲奏辦且有專人進京申訴之言並未敢公然生衅前會商文海迭旨請欵已將此  
次 諭旨內曠民仍願歸川朝廷垂念遠賴可以酌徵銀兩之語派委赴藏委員李毓森就近宣示開導  
納欵當能妥辦川藏軍遠番性遲疑回信勢難迅速請免再行派員至籌辦川邊設官各事如章谷朱高  
巴麥兩塘皆川省自辦之事與遠賴無涉自可先行籌辦以免貽誤事機謹請代奏 上諭軍機大臣等  
鹿傳霖電悉朝廷慎重者瞻對設官一節至朱高章谷及巴麥塘布蓋原與藏中無涉然若因朱高章等先  
設流官遠將瞻對一體改設則前此開放番官之旨必須撤回難保藏番不從此生衅著遵前有迭派幹  
員馳往宣示後取有的實回信再行電聞此時有四營在瞻必無他慮○丁亥諭軍機大臣等有人奏永  
定河防局員貧劣把持貽患河防據實料參一摺據稱河防局道員賈廷馨本市井出身由右景山同知  
賈緣前臬司周觀保至道員上年署永定河道伊姪賈立傳並不迴避本年復獲賈伊子在工辦事該道  
在署任內勒索供應於局員應領欵項多方勒扣河工應備料格肆行偷減請飭查辦等語河防關繫緊  
要若如所奏情形公事必多貽誤著王文韶按照所參各節確切查明據實具奏毋稍徇隱原摺著鈔給

閱看將此諭令知之○戊子齡祭 太廟 上親詣行禮○上詣 慈福端佑康頤昭豫莊誠壽恭欽獻  
崇熙皇太后前請安○庚寅 上御保和殿賜蒙古王公筵宴○是年廓爾喀來貢○統計出口貨直銀  
一萬三千一百八萬一千四百二十一兩進口貨直銀二萬零二百五十八萬九千九百九十四兩相抵  
虧七千一百五十萬八千五百七十三兩凡徵貨稅銀二千二百五十七萬九千三百六十六兩